



SOUSPIRS

D'OLIVIER DE MAGNY

Texte original

AVEC NOTICE

PAR E. COURBET




PARIS,

1600/2

ALPHONSE LEMERRE, ÉDITEUR, 27-29, paffage Choifeul, 27-29.

M. D. CCC. LXXIV.



LES SOVSPIRS

D'OLIVIER DE MAGNY

LYON

IMPRIMERIE ALF. LOUIS PERRIN & MARINET

LES

SOUSPIRS

D'OLIVIER DE MAGNY

Texte original

AVEC NOTICE

PAR E. COURBET



PARIS,
ALPHONSE LEMERRE, ÉDITEUR,
27-29, paffage Choifeul, 27-29.

M. D. CCC. LXXIV.





AUERTISSEMENT

été publiés à Paris en 1557, in-8° de 6 ff., pour Jean Dallier & Vincent Sertenas. Toutefois, ces deux éditions n'en font qu'une seule, dont l'impression est due à Estienne Groulleau. Suivant privilége du 8 mars 1556, Jean Dallier, titulaire du droit d'imprimer & de vendre les Odes & Souspirs de Magny, pendant dix années, avait choisi Vincent Sertenas pour associé. On peut donc considérer une réédition des Souspirs sur un exemplaire au nom de ce dernier libraire, comme une exacte (1) reproduction du texte original de l'auteur.

S. 23. Voy que c'est que d'amour ...


⁽¹⁾ Vers à corriger :

S. 113. Amour, qui vois tout feul tout ...

Il convient, au reste, d'entrer dans des explications plus étendues. Les Souspirs forment une série de 176 sonnets, interrompue en deux endroits (S.S. 94 & 160) par deux pièces semblables de du Bellay & de Pierre Gilibert. Il existe, en outre, dans ce recueil, deux sonnets en double emploi, sous les nos 12 & 43. Par un respect, exagéré peut-être, pour l'œuvre de Magny, nous avons cru devoir, comme l'éditeur primitif, laisser subsisser toutes ces particularités. Voici, d'ailleurs, les motifs qui justifient cette résolution. Le premier sonnet ne se retrouve point dans les éditions collectives de du Bellay, & celui de Gilibert, une des rares productions françaises de ce poète latiniste, nous fournit sur les mœurs romaines au XVIe siècle, un témoignage piquant. Enfin, pour corriger une répétition sans importance, il eût fallu supprimer un numéro dans la série des sonnets ou modifier la série elle-même. Or, l'un ou l'autre de ces deux partis n'aurait pu qu'être trop tardivement expliqué dans une note placée à la fin du volume.

De pareilles considérations ne mettaient pas obstacle à la suppression des stances faisant suite aux Souspirs de Magny, sous le titre: « A un de ses meilleurs seigneurs iniustement calomnié. » Quoique cette pièce ait été écrite à Rome, & qu'elle concerne l'ambassadeur d'Avanson, comme le prouve une lettre de ce personnage, en date du 18 octobre 1556 (Manuscr. de la Bibl. nat. f. fr. 20442), elle a été reproduite par Magny, dans le livre II de ses Odes, & pour cette raison, elle devait être, sans hésitation, retranchée du cadre où elle ne se trouvait point désinitivement placée.







NOTICE

es bibliophiles qui, fur la foi du titre, ont fait aux Gayeter d'Olivier de Magny le renom d'un ouvrage licencieux, fe font également abufés fur les Soufpirs du

même auteur. Il leur a paru que ce petit livre devait être un recueil de plaintes fentimentales, de lamentations amoureuses, & parmi les imitations de Pétrarque, les traductions d'Anacréon, ils n'ont pas voulu s'astreindre à chercher les sonnets dus à une inspiration plus indépendante. Le poète ne s'était pourtant pas dit comme du Bellay, son compagnon d'aventures:

Ie ne descouure icy les mysteres sacrez Des Saints prestres Romains, ie ne veulx rien escrire Que la vierge honteuse ait vergongne de lire. Il allait droit devant lui, s'exprimant en liberté fur tout ce qu'il fentait comme fur tout ce qu'il voyait, tantôt poussé par l'amour, tantôt emporté par la satire.

Les Souspirs d'Olivier de Magny, ainsi que les Regrets de du Bellay, sont nés d'un séjour sait à Rome pendant plusieurs années, de 1554 à 1557. Cette dernière période embrasse plus précisément la durée de l'ambassade de Jean d'Avanson, près de qui Olivier de Magny remplissait les sonctions de secrétaire.

Avant d'entrer dans quelque détail à ce fujet, il n'est pas fans utilité d'établir par quel concours de circonftances, Magny devint, à la fuite de la mort d'Hugues Salel, fon premier protecteur, le secrétaire de Jean de Saint-Marcel, seigneur d'Avanson, maistre des requestes de la maison du Roi & le Mécène de ce temps-là.

Deux mois après la publication des Amours d'Olivier de Magny, dans le courant de juin 1553, Hugues Salel mourut, felon la plupart des bibliographes, en fon Abbaye de Saint-Chéron, &, fuivant fon ami Paſchal, à Chartres où il s'était retiré depuis la mort de François l'', pour se donner tout entier au repos & à l'étude. Il était dès longtemps atteint d'une maladie incurable, à laquelle il devait succomber dans la vigueur de l'âge, à quarante-neuf ans & demi. Tous ces détails sont tirés de l'inscription latine écrite par Pierre de Paſchal pour le Tombeau poétique du défunt.

Hugues Salel laissait de sa traduction de l'Iliade d'Homère, entre les mains d'Olivier de Magny, le manuscrit des XI^e & XII^e livres, & quarante-huit vers

du XIII. Une recommandation dernière accompagnait ce mince héritage. Magny devait chercher, pour l'œuvre posthume de son biensaiteur, le patronage d'un seigneur insluent, & obtenir que ce travail inachevé sût présenté au Roi. Le jeune poète, exécuteur testamentaire d'un présat qui ne lui séguait aucun bien, ne s'en acquitta pas moins pieusement de sa tâche, &, dans l'accomplissement du devoir, il trouva la seule sortune qu'il pût ambitionner, l'appui d'un nouveau protecteur.

Aussi bien, la mort d'Hugues Salel ne laissa point indifférents les poètes qui l'avaient connu. Ils s'affocièrent au deuil d'Olivier de Magny. Ronfard écrivit en l'houneur du défunt une pièce importante. Iodelle enferma dans un huitain le récit de la vie de Salel, & Tahureau confacra un fonnet à la mémoire de l'Homère français (1). D'autres condoléances vinrent se joindre aux premières. Pierre Paschal, Jan de Pardeillan, Pierre de Mauléon, Estienne de Navières & François Charbonier complétèrent le Tombeau poétique de Salel, que Magny, par un raffinement d'hommage, accrut encore de deux pièces dues à des pleureuses inattendues : Castianire, sa maîtresse, & Corinne, celle d'Hugues Salel. Pour leur édification fur une fingularité funèbre dont il y a peu d'exemples, les lecteurs trouveront ici les vers de Castianire. Cette élégie de commande mérite une place

⁽¹⁾ Pour toutes ces pièces, Voir Ronsard, Ed. Blanchemain, T. 7, p. 267, Jodelle, Ed. Marty Laveaux, T. 2, p. 337; & Tahureau, T. 2, Paris, Jouauft, 1870, p. 150.

dans les actes, finon dans l'œuvre d'Olivier de Magny. Voici donc, avec le titre qui en fait comme un tableau pour les yeux, cette pièce, curieux témoignage de l'exagération du respect envers un mort:

LA CASTIANIRE D'OLIVIER DE MAGNY, SVR LE TOMBEAV DE SALEL:

le suis celle, passant, qui d'vn traict de mes yeux Captiue de Magni tout le pis & le mieux, le suis celle, passant, qui sur sa face essuye De ses pleurs desolez la desastreuse pluye. le t'annonce, passant, qu'en ce cercueil icy Gift ce docte SALEL qui naquit en Quercy, Auquel les doctes Saurs ont aquis vne vie Qui le tems moissonneur & la Parque deffie : Et que tant que le ciel tournoyera sur nous, Tant que le fiel amer, & le miel fera doulx, Et que ces ruysfelletz gazoillans en leur source Courront parmy ces prez de serpentiere course, Et tant que dessus nous luyra le grand flambeau, Toufiours ie demourray, passant, sur ce tombeau Pour la face essuyer de celluy qui m'a faicle, Par mille & mille vers durablement parfaicle, Et toufiours annonçant qu'en ce cercueil icy Gift ce docte Salel qui naquit en Quercy.

L'élégie latine de la maîtresse de Salel est très courte. Elle offre peu d'intérêt. Néanmoins, elle a été

reproduite, avec toutes les pièces mentionnées ici, dans la dernière réimpression complète de la traduction d'Hugues Salel. (Paris, Claude Gauthier, 1570.)

Ainsi enguirlandée, l'œuvre de l'abbé de Saint-Chéron sut présentée à Jean d'Avanson, qui en accepta la dédicace. Ensin, suivant privilége du 25 juillet 1553, la publication de cet ouvrage sut autorisée, & l'année suivante parurent en un mince volume in-8° de 72 st. non numérotés, Les vnzieme, & douzieme liures de l'Iliade d'Homere, traduistz de grec en françois par feu Hugues Salel, abbé de Saint-Cheron.

Auec le commencement du treziesme, l'Vmbre dudict Salel, faicle par Oliuier de Maigny, & adressée à Monfieur d'Auanson, Maistre des requestes ordinaire de la maison du Roy, & President en son grand Conseil, auec quelques vers mis sur son tombeau par diuers poëtes de ce tems. Auec privilege du Roy. A Paris, Pour Vincent Sertenas, Libraire, tenant sa boutique au Palais, en la gallerie par ou on va à la Chancellerie. 1554.

Ce ne fut pas toutefois fans peine que Magny obtint le patronage de Jean d'Avanfon. Comme on pourra s'en convaincre par l'examen des Pièces placées en tête du volume décrit plus haut, François Charbonier lui fervit d'intermédiaire, & à la fuite de la lettre de Magny, & de l'Vmbre de Salel à d'Avanfon, il inféra une épitre pour témoigner perfonnellement de fon concours dans la circonftance.

L'année même de la publication du livre dont il avait agréé l'hommage, d'Avanson partit pour l'Italie

en qualité d'ambaffadeur auprès du Saint-Siège. Ronfard a confacré le fouvenir de ce voyage par un fonnet où se mêlent l'enflure du poète & la précision de l'historien. Il n'est donc pas inutile d'en citer la meilleure partie.

Qu'on ne me vante plus d'Vlysse le voyage, Qui ne vit en dix ans que Circe & Calipson, Le Cyclope & Scylla qui fut demi poisson, Et des fiers Lestrigons l'ensanglanté riuage.

Nostre Vlysse françois en a veu dauantage Seulement en trois ans: c'est ce grand d'Auanson Qui vit en moins de rien d'vne estrange façon Toute Rome s'enster & de guerre & d'orage.

Il vit deux papes morts, il vit Sienne remise En son premier estat, puis perdre sa franchise. Il vit l'Europe en branle...

L'Odyffée d'Avanfon est très-exactement résumée en ces quelques vers. En y joignant de brèves considérations sur notre diplomatie de delà les monts à cette époque; en invoquant, en outre, le témoignage d'Olivier de Magny, on comprendra mieux l'importance des événements auxquels le poète des Souspirs sut mêlé, & les allusions qui se trouvent en quelques endroits de son livre.

Tandis que la guerre avec les Impériaux enfanglantait le nord & le midi de la France, une lutte purement

diplomatique, mais non moins vive, agitait les repréfentants des deux puissances auprès du Pape. Rome était le champ d'une bataille acharnée entre deux influences rivales. Pour multiplier les relations avec l'autorité pontificale, Henri II avait ordonné que les cardinaux français seraient tenus de résider à Rome. Des ambassadeurs lasques étaient chargés, d'autre part, de missions spéciales. En réalité, leur présence avait un double but : diminuer la désiance du Pape à l'égard des prélats français, & maintenir entre ceux-ci une harmonie qui paraît avoir souvent offert de graves difficultés.

D'Avanson sut donc envoyé en Italie vers la fin de l'année 1553. Les Lettres & mémoires d'État de Ribier, pas plus que les correspondances politiques conservées au département des manuscrits de la Bibliothèque nationale, ne sournissent des informations précises sur l'époque de son arrivée à Rome, quoique le jour de son départ soit nettement indiqué dans une lettre d'Odet de Selve & de Lansac, à la date du dernier d'octobre 1556 (F. Fr. 20442). Il est certain, toute-sois, qu'il sut témoin de la mort de Jules III, au sujet de laquelle il écrivit que le peuple avait pleuré comme il avait coutume de saire à carême prenant. Il était alors en communauté d'action politique avec les cardinaux du Bellay, d'Armagnac & de Lorraine.

Suivant le témoignage formel d'Olivier de Magny, d'Avanfon, infirument des Guife, avait négocié avec le Pape le traité fecret du 16 décembre 1555, qui affurait à l'un des fils du roi Henri II, l'investiture du royaume de Naples. Pour comprendre l'importance tout à fait privée de cette négociation, il faut se rappeler que les princes de Lorraine, qui fournissaient alors de Maires du Palais la Cour de France, cherchaient à accréditer auprès du Pape un cardinal de leur maifon, à portée de la tiare. Entre temps, ils essayaient de ressaisir les Deux-Siciles au nom de Henri II; mais cet agrandiffement de la puissance royale n'était, au fond, qu'une manœuvre destinée à remettre les Guise en possession de l'héritage qu'ils revendiquaient à titre de descendants par alliance des ducs d'Anjou. La trève de Vaucelles, conclue le 5 févier 1566, vint renverfer tous ces projets, &, comme dit Olivier de Magny, allonger le nez à tous les négociateurs du traité fecret. On fait que le Pape, intéressé au maintien de stipulations qui lui valaient l'argent & l'appui de la France, envoya au roi, fon neveu le cardinal Caraffa, ce grand Charles, que Magny a loué quand il en attendait du bien, & qu'il a tourné en dérifion lorsque ses espérances ont été trompées (SS. 39 & 118).

Quoiqu'il y ait dans les Souspirs, un certain nombre d'allusions à des incidents politiques, il s'y trouve plus encore de souvenirs personnels & de réminiscences amoureuses de l'auteur. Le 87° sonnet concerne le mariage de Jehan Flehard & de Louise d'Avanson, dont Magny composa l'épithalame (Voir Odes, livre II, p. 65). D'autres rappellent des événements antérieurs au voyage de Magny en Italie. Le 38° ayant trait à l'achè-

vement du Louvre, doit remonter à une date plus reculée. Le 32° enfin, commençant ainsi:

Où print l'enfant Amour le fin or qui dora En mille crespillons ta teste blondissante,

est réimprimé dans les Souspirs pour la seconde sois. Il a paru tout d'abord dans l'édition originale des œuvres de Louise Labé, parmi les Ecriz de diuers poètes à la louenge de Louize. Lyon, Jan de Tournes, 1555 (1). Il se trouve, p. 137, entre une pièce où Magny est cité & l'ode

O ma belle rebelle ...

qui, par fon allure, semble de la main du poète; mais, de ces trois pièces, le fonnet cité plus haut offre seul une incontestable authenticité.

De plus amples recherches dans l'œuvre de la mufe lyonnaife, ont amené la découverte de particularités qui peuvent être confidérées comme de férieux indices des amours de Louise Labé & d'Olivier de Magny. Comme ces observations complètent celles qui ont été faites sur le même sujet par M. Turquety, & qu'il s'agit ici avant tout de diminuer l'obscurité dans laquelle s'est passée l'existence d'Olivier de Magny, nous allons soumettre au lecteur le résultat de nos investigations.

⁽¹⁾ Le privilége du Roi est du 13 mars 1554, & l'achevé d'imprimer du 12 août 1555.

L'élégie II, adreffée à un voyageur en Italie, ne concernerait-alle pas Olivier de Magny? Les vers

Ores ie croy, vu notre amour passée, Qu'impossible est, que tu m'aies laissée: Et de nouuel ta foy ie me fiance, Et plus qu'humaine estime ta constance,

ne font-ils pas pour Magny, comme un rappel du ferment prononcé par lui avant fon départ :

Et vif & mort en toi tant seulement Viura mon cœur, ma puissance & ma foy.

Quelques fonnets de Louise Labé donnent encore plus précisément la réplique à certains passages des Souspirs.

Quand la Belle Cordière dit:

Ie ne souhaitte encore point mourir

Mais quand mes yeux ie sentirai tarir,

Ma voix cassée & ma main impuissante,

Et mon esprit en ce mortel seiour

Ne pouuant plus montrer signe d'amante,

Prirey la mort noircir mon plus clair iour.

- N'y a-t-il point dans ce vœu un écho de celui de Magny ?

Ie ne veulx point attendre à descendre là-bas Quand vieillard radoté ie n'auray dent en bouche, Ainçois veux qu'au cercueil aussi tost on me couc he Que ie n'auray plus force aux amoureux combats. Un dernier rapprochement montrera, à l'égal des observations précédentes, quelle vraisemblance, sinon quelle réalité présente l'histoire des amours d'Olivier de Magny & de Louise Labé. Le 175° sonnet des Souspirs se termine ainsi:

l'auoy tant poursuiuy qu'on m'auoit acordé Le bon tour que i'auoy longuement demandé; Mais quand ce vint au point que ie le pouuoy prendre, le deuins impotent & ne sceuz faire rien.

On lit, d'autre part, dans Louise Labé, S. 16:

Vn tems t'ay vu & consolé plaintif
Et defiant de mon feu peu hatif:
Mais maintenant que tu m'as embrasée
Et suis au point auquel tu me voulois:
Tu as ta slame en quelque eau arrosée
Et es plus froid qu'estre ie ne soulois.

Indépendamment de leur intérêt particulier, ces divers extraits ont une autre importance. Ils établissent l'antériorité des Souspirs de Magny sur les Regrets de du Bellay. Ce dernier recueil ne sut d'ailleurs imprimé qu'en 1558; mais les Souspirs & les Regrets étant l'œuvre de deux amis, en voyage, dans le même pays, à la même époque, on s'accoutuma à attribuer toutes les priorités au poète qui avait la plus précieuse, celle du talent.

Une autre particularité devait, à son tour, être invoquée dans ce sens. Les Regrets sont dédiés à Jean

d'Avanfon, & les Souspirs portent le nom de M. de Beauregard, Jean du Thiers, secrétaire d'Etat & des Finances. On s'est empressé d'en conclure que l'ouvrage de du Bellay avait été terminé avant celui de Magny, qui n'eût laissé à personne le soin d'un hommage à son protecteur. La vérité, comme on le verra plus loin, est que Magny, très-samilier avec du Thiers, se montra toujours sort respectueux vis-à-vis d'Avanson. Or, la dédicace des Souspirs, considences intimes s'il en sut, ne pouvait être offerte à un ambassadeur, dont elle eût mis la gravité en suspicion.

Les personnages qui ont, dans les Souspirs & dans les Regrets, une place commune, & que l'on peut, pour cette raifon, regarder comme liés d'amitié avec Magny & du Bellay, font Ronfard, Pafcal, du Thiers, Lancelot de Carle, Jean de Pardeillan, Morel d'Embrun, Denisot, Gohorry, Lestrange, Dilliers, de Gordes, Bizet, Boucher, &, enfin d'Avanson, qui, dans les deux ouvrages, est l'objet d'égards particuliers. Quoiqu'en beaucoup d'endroits son nom soit accolé à celui de du Thiers, dans un fentiment d'hommage pour ces Mécénes dont tous les poètes marquants du XVIº fiècle ont recherché & vanté l'appui, ce rapprochement ne prouve rien au-delà. D'Avanson sut un protecteur qui ne devenait point l'intime de ses protégés, & l'on chercherait vainement, dans les pièces qui lui font dédiées, des vers femblables à ceux que du Bellay adressait à du Thiers pour l'exciter à favoriser Olivier de Magny.

Du Bellay, ce poète plein de mesure & de goût, écrivait à du Thiers avec une liberté qu'excuse son amitié pour Magny :

... Toy donc à qui la France a desia retenu L'vn de ses plus beaux lieux comme seul auiourdhuy Où les arts ont sondé leur principal appuy, Quand au lieu qui t'attend tu seras paruenu,

Fay que de ta grandeur ton Magny se ressente, Asin que si Bertrand de son Salel se vante, Tu te puisses aussi de ton Magny vanter.

Tous deux sont Quercinois, tous deux bas de stature: Et ne seroient pas moins semblables d'escriture, Si Salel avoit sceu plus doulcement chanter.

Ce fragment de fonnet nous donne le fecret de la fortune poétique de Salel; il nous montre dans le confeiller du Roi, Bertrand, le protecteur de l'abbé de Saint-Chéron. Il nous révèle auffi, dans Olivier de Magny, un poète non moins appuyé, mais d'un mérite nettement reconnu: il favait doucement écrire.

Nous touchons ici à un point caractéristique de l'histoire des Souspirs & des Regrets. Magny a parsemé son livre d'indiscrétions graves, de railleries audacieuses. Il raconte ses amours aussi cruement que Villon, dont il est un petit-fils. Il passe en revue, sans la moindre pitié, tous ceux des gentilshommes, ses amis, qu'ont désigurés d'inavouables maladies. Il se rit du

cardinal Simia & de fon portrait, & il indique au peintre en quelle posture il eût dû représenter son modèle. Il reproche à un autre prélat, son ignorance, & il l'accuse de protéger les officieux qui servent à ses plaisirs.

Une inspiration plus sage a dicté les Regrets. Du Bellay a écarté de ce livre le récit de ses amours avec Faustine, il en a retranché les sonnets satiriques publiés depuis, en mars 1849 dans l'Amateur de livres, par M. de Montaiglon. Dans ce grand nombre de sonnets, il n'a tenté qu'une épigramme sur un savori :

Que Caraffe aymoit plus que ses yeux,
... Qui passoit en beauté de visage
Le beau Couppier des Grecs, qui verse à boire aux Dieux.

Il femblait donc qu'avec autant de difcrétion, du Bellay ne devait foulever aucune indignation. L'allufion ne passa point inaperçue; mais comme, plus transparente encore, elle n'eût pas constitué un grief suffisant pour inquiéter le coupable, une autre raison de poursuite dut donc être cherchée dans l'œuvre du poète, & ce sut le culte des sictions mythologiques qui la sournit. Du Bellay sut accusé d'impiété. Il se désendit de ce reproche avec une vigueur qui prouve quel sérieux danger pouvait alors provoquer une imposture savorablement accueillie. Il gagna péniblement son procès, dont toutes les pièces sont dans les derniers sonnets des Regrets, & dans la lettre adressée au cardinal du Bellay, sous la date du dernier jour de juillet 1559.

Le contraste de cette rigueur envers du Bellay, avec la tolérance dont a bénéficié Olivier de Magny, nous paraît le résultat d'intrigues politiques où l'on pourrait trouver la main d'un prélat heureux de susciter des embarras au cardinal du Bellay, sincérement attaché à la France, & l'ennemi des ambitieux sans patrie.

Quoi qu'il foit d'une hypothese qu'il ne convient pas de développer ici, les Souspirs, objet exclusif de cette Notice, constituent un livre éminemment curieux. L'auteur porté par nature à une excessive liberté, n'a sub aucune contrainte. Il s'est abandonné à tous les caprices de son inspiration, sans gâter son œuvre, qui n'offre pas moins de beautés que de bizarreries.

E. COURBET.





LES

SOVSPIRS,

D'OLIVIER DE

MAGNY.




A PARIS,

Pour Vincent Sertenas, tenant sa boutique au Palais, en la gallerie par ou lon va à la Chancellerie, & en la rue Neusue Nostredame, à l'enseigne sainct lean l'Euangeliste.

1557.

AVEC PRIVILEGE DV ROY.





A MONSIEVR DE BEAVREGARD,

CONSEILLER DV ROY

ET SECRETAIRE DE SES FINANCES,

SONET.

Si tu n'aymois Duthier, la Muse ardantement, Et si la Muse encor' ne t'aymoit dauantage, Tu n'aurois à mes vers fait tant de bon visage, Ny ie ne t'en donrois ore tant hardiment.

Le sçauoir est nourry de l'honneur seulement, Et s'vn œuure est chery par vn grand personnage, Phæbus ayme l'autheur, & polit son ouuraige, Et fait son nom & luy viure immortellement.

Vn plus riche que moi plus grand don te peult faire, Mais vn plus grand ne peult dauantage te plaire, Aymant comme tu fais des Muses les esbats.

Reçoi donc ce present qu'humblement ie te donne A l'exemple des dieux qui ne dedaignent pas De prendre vn petit don d'vne basse personne.

A OLIVIER DE MAGNY,

SONET.

C'est or vraiment, Magny, vraiment Magny, c'est ore Qu'on me doit pardonner si ie dy que tu soys A l'adueu d'Apollon, entre tous ces François Vn des plus fauorys des vierges que i'adore.

La France le sçait bien, & le sçauent encore Noz Princes valeureux, que lon voit à la fois Tous priser & vanter les accords de tes doys, Graces dont Iuppiter bien peu de gens honnore.

» Vse ainsi donc, Magny, de l'heur que nous sentons, Et n'attens d'estre dieu, car quoy que nous chantons, Nostre immortalité ne nous sauue la vie:

Et pource auroi-ie à cher, puisqu'il nous fault perir De voir en quelque preis ma Muse auant mourir, » Car l'honneur vient trop tard qui vient sans nulle enuie.

IEAN DE PARDEILLAN.



LES SOVSPIRS.

SONET 1.



VEL feu diuin s'alume en ma poitrine Quelle fureur me vient ore irriter? Et mes esprits sainclement agiter Par les rayons d'yne flamme diuine?

Ce petit Dieu de qui la force insigne . Sur les grans dieux se peut exerciter, Viendroit-il bien dans mon ame exciter Cette chaleur d'immortalité digne?

C'est luy c'est luy qui sousste ceste ardeur, Car ia desia ie sleure sa grandeur Me bienheurant d'yne nouuelle vie.

Sus donc, sus donc prophanes hors d'icy, Voicy le dieu, ie le sens, le voicy, Qui de fureur m'a ia l'ame rauye.

SONET II.

Tandis que ie me plains, à l'ombre de ces bois, De celle qui detient ma franchife egarée, l'entens le Rossignol se plaignant de Terée, Qui son ramage accorde aux accens de ma voix.

Tous deux diuersement nous plaignons toutes sois: Luy, de vengence ayant toute l'ame alterée, Moy, au contraire ayant la mienne enamourée D'yne pour qui cent morts en viuant ie reçois.

Bien est vrai qu'en trois mois sa complainte s'acheue, Mais la mienne iamais ne prend ne sin ne tresue, Ainçois dure tout l'an constante en mes trauaulx:

Puis donc que mon tourment à nul autre s'egalle, Finisse-ie mes iours, pour finir tant de maulx, Chantant iusqu'à la mort comme fait la cigalle.

SONET III.

Vous qui tous engourdiz en l'hyuer froidureux Cherchés quelque beau feu pour voz forces reprendre, Venez tous deuers moi, deuers moi Salamandre, Qui bruste nuict & iour d'vn feu trop rigoureux.

Vous aussi qui fuyes le soleil chaleureux, Et qui voules au frais pres d'vn sieuue vous rendre, Venés sous cet ombrage, où vous verrés s'espandre Vn grand fleuue de pleurs de mes yeux langoureux.

Le feu ne s'esteint point pour les pleurs que ie gette, Ny la source des pleurs à tarir n'est subgette, Tant soit grande l'ardeur qui brusse dedans moi.

L'vn se tient dans mon chef, & l'autre dans mon ame, L'vn noye mon espoir, l'autre enflamme ma foi : En tel estat ie viz pour vne belle dame.

SONET IIII.

Ie n'estois pas assez en France tourmenté, Sans qu'il fallust encor' venir en Italye Sentir le traid poignant de l'enfant d'Idalye, Et m'asseruir encor' à quelque autre beaulté.

Ie n'auois pas l'amour en France affés chanté, Sans qu'il falust mener à Rome ma Thalye, Et chanter de rechef l'amoureuse folye, Pour adoucir encor vne autre cruaulté.

Hé dieu c'est fait de moi, ie n'ai plus d'esperance, Et plus ie vois auant & plus croist ma soussirance, Si qu'il semble qu'Amour ne cherche que ma sin.

Nous auons beau fuyr de noz maulx l'origine: Plus nous fuyons cela que le ciel nous destine » Et plus dessus le chef nous auons le destin. »

SONET V.

Sur le bord d'un beau fleuue Amour auoit tendu Vn file d'or tissu d'un excellent ouuraige, Et là tout seul assis il sembloit qu'au passage Il eust quelque gibier longuement attendu.

l'estoy franc & disposts, mais trop mal entendu Et mon cœur s'égayoit, mal cault par le riuage, Quand ie le senti prendre & reduyre en seruage, Et tout soubdain Amour l'en mener éperdu.

Cette belle clarté qui le soleil efface Reluysoit à l'entour, & la main qui surpasse L'yuoire de blancheur, tenoit ce reth ainsi.

Ainst donc ie fus pris, & remply d'esperance De plaisir, de bon heur, & de perseuerance, En si belle prison ie demande mercy.

SONET VI.

L'ESTRANGE, toi qui sçais comme on plait chés le Roy, Et comme on y desplaist, ly ces vers ie te prie, Et si tu trouues rien subget à mocquerie, Sans de moi t'estranger, Lestrange dy le moi.

Dy le moi rondement, car ie me fie en toi, Et vraiment à bon droit ie crois que ie m'y fie, Car tu n'as poinct le front d'vn homme qui pallie Et qui sçait deguiser ce qu'il a dedans soi.

Ie chante en ces Sonets vne Maistresse belle, Ie chante les ennuys que i'endure pour elle, Mon espoir & ma foy constante en mon tourment.

Ce sont tous argumens fort communs à nostre age

» Mais cil qui les descrit comme il fault doucement

» Et qui scait plaire aux Rois n'a pas peu d'auantage.

SONET VII.

GORDES, que ferons nous? aurons nous point la paix? Aurons nous point la paix quelque fois sur la terre? Sus la terre aurons nous si longuement la guerre, La guerre qui au peuple est vn si pesant fai??

Ie ne vois que souldars que cheuaulx & harnois, le n'ois que deuiser d'entreprendre & conquerre, le n'ois plus que clairons que tumulte & tonnerre, Et rien que rage & sang ie n'entens & ne vois.

Les Princes au iourd'huy se iouent de noz vies, Et quand elles nous sont apres les biens rauyes Ils n'ont pouuoir ny soing de nous les retourner.

Malheureux sommes nous de viure en vn tel age, Qui nous laissons ainsi de maulx enuironner, La coulpe vient d'autruy mais nostre est le doniage. »

SONET VIII.

Toufiours la peste aux Grecs ne decoche Apollon, Quelque fois il s'esbat à sonner de la lyre, Quelque fois sur la mer bon vent a le nauire Et tousiours ne court pas vn oraige felon.

Toufiours l'honneur des champs ne despouille Aquilon, Quelque fois vn printemps nous rameine Zephire, Toufiours ne tonne pas aux montagnes d'Epire, Et quelque fois le ciel est sans nul tourbillon.

Les deux freres iumeaulx l'vn apres l'autre viuent, Et les saisons de l'an par ordre s'entresuyuent Comme le clair iour suyt la tenebreuse nuist:

Bref toute chose au monde ou se change ou se passe, Si ce n'est le malheur qu'vn Rousseau ne pourchasse, Qui tousiours sans repos me tourmente & me suyt.

SONET IX.

Bien feust CARLE, vraiment prodigue à ta naissance Le fauorable aspect de ton astre ascendant, Tant & tant de tresors dessus toi respendant Par la sainte vertu de sa sainte insluence.

Bien feust vraiment encor' heureuse l'aliance Qu'il feit de ton esprit de sçauoir abondant Auecques les neuf Sœurs, qui ton bruit espendant Arrestent dessus toi leur plus grande esperance.

Ore ton grand Dorat, leur S. prestre immortel Ore mon grand Ronsard, dessus vn mesme autel Consacrent ton renom au temple de Memoire.

Et moi CARLE, apres eulx & comme eulx agité Adiouste par ces vers à ton eternité,
Mais toi mieulx que tous trois eternises ta gloire.

SONET X.

Le cauteleux espoir BELLAY, qui me conduyt Cent contraires esfets à mon penser apporte, Il me brusle, il me gelle, ennuye & reconforte, Il m'appelle, il me chasse, & me suyt, & me suyt.

Il m'aueugle de iour & me fuit voir de nuict, Il m'aprend vne voye aspre facile & torte, Il me sert de trompeuse & de sidelle scorte, Et soit vert ou soit meur ne porte iamais fruics.

Desfous le doulx Nectar il me cache le fiel, Puis soudain sous le fiel me descouure le miel, Et sans oraige en mer me fait faire naufrage.

Vn feul point mon BELLAY, allege mon esinoi, C'est que ce faulx espoir t'abuse comme moi, Et comme à moi d'un gaing te fait tirer domaige.

SONET XI.

O monde malheureux, o defir vain & fresle, O terre, o ciel, o dieux auares à mon bien, O vie qui ne peult dissouldre ce lyen Bien que ie te cognoisse & petite & mortelle,

O miserable sort, o fortune cruelle, Qui mes dolents ennuys n'estimas iamais rien, O Parque sans pitié, o Nocher stygien Que ne m'ameines tu l'infernale nasselle!

Puis qu'on ne veult ici mon tourment secourir, Puisse-ie au moins bien tost miserable mourir, Pour euiter le mal dont mon ame est attaincte:

Bien heureux soit le iour auquel la fiere mort M'enuoira de son dard passer la bas le port, Puis que par tant de mal du danger ie n'ay crainte.

SONET XII.

O Caduque penser, o trop freste vouloir, O mal saine raison, o poursuyte trop vaine, Vous ne iouyrés plus du plaisir de la peine Et du plaisant ennuy qui me saisoit douloir.

O desir que i'ai mis du tout à nonchaloir, O sleche de venin & d'amour toute pleine, O las qui me tenois en prison inhumaine, Voz efforts dessus moi ne peuvent plus valoir.

O caresses semblans & riz pleins de faintise, O propos mains & caur rempliz de couvoitise, Vous ne retiendrez plus mon esprit langoureux,

Et toi fureur d'amour dans mon ame alumée, Ta rehemente ardeur s'en va toute en fumée, Et plus franc que iamais ie reste bien heureux.

SONET XIII.

Tu riz quand ie te dis que i'ay toufiours affaire, Et penses que ie n'ay qu'à trasser des papiers, Mais oy ie te supply par combien de sentiers Il me fault tracasser, puis pense le contraire.

Mon principal estat c'est d'estre secretaire, Mais on me fait seruir de mille autres mestiers, Dont celuy que ie fais le plus mal volontiers Est cil qui me contraint d'endurer & me taire.

Aussi ie ne sers pas yn maistre seulement, l'en sers deux, voire trois, & fault qu'egalement Pour leur plaire à trestous, à chacun d'eux ie plaise.

Le plus riche d'entre eux m'est chiche de son bien, Et tous ensemblement me liurent du malaise, Et bref seruant en tout ie ne prosite en rien.

SONET XIIII.

Le ciel luyt pour autant que le foleil y luyt, Ma dame luyt ayant le foleil auec elle, Le foleil est foleil pour sa clarté si belle, Seule est cette qui seule aux raiz du soleil nuyt.

Amour est vne ardeur qui les ames nous cuyt, Cette est vne autre ardeur de force toute telle, Il est maistre d'autant qu'il veinst le plus rebelle, Maistresse est cette cy d'autant qu'el'le conduyt.

Le ciel nous donne vie, & le soleil lumiere, Amour nous poingt les cœurs d'yne fleche guerriere, Et doucement nous brusse & nous rend tourmentés,

Ma dame ard & depart la lumiere & la vie, Et nous poingt d'autant plus qu'elle a plus de beautés, Que le ciel, le foleil, & l'enfant d'Idalye.

SONET XV.

I'ay veu plaignant le mal dont mon ame est ateinte Les pasteurs s'egarer bien loing de leurs troupeaux, Les brebis oublier d'allaister leurs aigneaux, Et cent oyseaux venir accompagner ma plainte,

l'ay veu que par pitié de ma franchise estreinte Et des maulx que ie sens, les Nimphes des ruysseaux S'arrestoient à mes plainds, & m'offroient de leurs eaux Pour en rendre ma peine & mon ardeur esteinte.

Mais toi cruelle toi qui m'entens plus fouuent, Toi dis-ie beaucoup plus legere que le vent Et qu'vn orage en mer plus fourde à ma priere,

Mais toi, cruëlle toi de qui la cruaulté, Bien que tu sois si belle excede la beaulté, Plus tu m'oys lamenter & plus tu deuiens siere.

SONET XVI.

Ie ne puis, & ne veulx ouyr parler personne, S'il ne parle ou de toi ou de toi alentour, Et soit en pleine nuics ou bien soit en plein iour, Ie n'ay point de clarte si ton œil ne m'en donne.

Amour en autre endroist iamais ne m'esperonne, Et mes pies ne vont point qu'au lieu de ton seiour, Ma main sur le papier n'escrit rien que d'amour, Ny mon luth ny ma voix que tes beautez ne sonne.

Tous mes pensers Maistresse, ont à toi leurs recours, Tous mes souspirs ardans te demandent secours, Et rien ie n'ay en moy qui de toi ne depende.

Pourroi-ie mieux monstrer quelle est mon amitié? Pourrois-tu faire moins qu'auoir de moi pitié? Ayes donques pitié de qui te la demande.

SONET XVII.

Vn cable tords ne peult si bien estreindre Quelque grand faiz de maint enlassement, Ny fer encor' ne peut si fermement A quelque bois quelque bois faire ioindre:

Comme vne foy doibt estroistement ceindre L'esprit de cil qui la iure ardemment. Soit en secret ou soit publiquement, Prest à mourir plustost que de l'enfreindre.

Toufiours sa foi doit estre son appuy, Toufiours sa foy doibt maistriser en luy, Mesmes tousiours il doibt penser en elle.

C'est cette-là que i'ai receu de toi, C'est celle là que tu reçois de moi Faisons la donc mon LOVZIERE, eternelle.

SONET XVIII.

Si i'ai l'esprit enflumme viuement De la fureur de l'enfant de Latone, Et fi les vers MIRAMBEAV, que ie sonne Gaignent cest heur de viure longuement,

Par son laurier ie te iure ardamment, Dont le vainqueur & le docte il couronne, Que ie ferai maugre la mort felonne, Ton nom & toi viure immortellement.

Car toi rempli du feu dont il m'alume, N'as dedaigne les armes & la plume De mesme main apprendre à manyer :

Et fauory de Mars & des Charites, Mon MIRAMBEAV, deux lauriers tu merites Pour estre docte, & pour estre guerrier.

SONET XIX.

Bien heureux soit le iour, & le mois, & l'année, La saison & le tens, & l'heure, & le moment, Le pays & l'endroid où bien heureusement Mu franche liberté me feust emprisonnée.

Bien heureux l'astre au ciel d'où vient ma destinée, Et bien heureux l'ennuy que l'euz premierement, Bien heureux aussi l'arc, le traist & le tourment Et la playe que l'ay dans le cœur assenée.

Bien heureux soient les criz que i'ay gettés au vent, Le nom de ma maistresse appelant si souuent, Et bien heureux mes pleurs, mes soupirs, & mon zelle,

Bien heureux le papier que i'emplis de son loz, Bien heureux mon esprit qui n'a point de repos Et mon penser aussi qui n'est d'autre que d'elle.

SONET XX.

Le soigneux laboureur auec le temps ameine Dessous le ioug pesant le plus braue taureau, Et le faulcon niais au vol de maint oiseau Auec le tens encore on façonne en la pleine.

On range auec le temps le lyon à la cheine, Et l'appriuoise lon comme vn petit aigneau, Voire auecques le tens par les gouttes de l'eau Se cauent les rochers qu'on tailleroit à peine.

Auec le mesme tens le vieil chesne se rompt, Et voit on le sommet du plus superbe mont S'abaisser à l'egal de la pleine campaigne :

Mais ie ne puis Maistresse amollir la durté De ton cœur rigoureux, qui passe d'aspreté Taureau, faulcon, lyon, rocher, arbre & montagne.

SONET XXI.

La Tine a beaux cheueux, beau front & belle face, La Tine parle bien & chante doucement, La Tine est toute belle en son acoustrement, Et s'el' s'abille d'homme, elle a fort bonne grace.

La Tine dans le bal dextrement se compasse, La Tine baise bien & rit mignardement, Bref elle plaist à tous fors qu'à moi seulement, Car elle a ne sçai quoi qui loing d'elle me chasse.

Ie ne sçaurois songer ce qu'auoir elle peult, Qui fait que ie la fuys, mais tant plus elle veult Me plaire, el' me desplaist, & plus ie m'en recule.

Bref, sans tant s'amuser il fault venir au point, La Tine a ne sçai quoy qui ne me reuient point, Et c'est pour quoi mon cœur en son amour ne bruste.

SONET XXII

Ores, que le matin est si doux en ces mois, le me leue aussi tost que la vermeille Aurore, Et taschant d'apaiser l'ennuy qui me deuore, le m'en vois escouter des oiselets la voix.

Et si le rossignol i'oy plaindre quelque fois, l'entens aussi soubdain Progne qui s'adolore, L'vn d'eulx consoler l'autre, & se respondre encore, Et viure ainsi contens au dedans de ces bois.

Las! helas ie me plains, ie crie, ie lamente Et demande fecours au mal qui me tourmente, Mais ie ne trouue aucun qui me responde mot.

Moy seul emmy ces bois fais ma complainte extreme, Et moy tout seul helas! me respons à moy mesme, N'ayant autre confort que de mourir bien tost.

SONET XXIII.

Voy que c'est qu'amour, LE CREC, ie te supplie, Et comme par fois cil qui fait moins cas d'aymer, Se void d'autant plus fort quelque fois animer, Et d'autant plus soi mesme en amour il s'oublie:

Naguieres ie t'oyois blasmer cette folie, Et n'aguieres encor' tu m'oyois la blasmer, Mais tous deux en vn tens ie nous sens enstammer, Et tous deux en vn coup esclaues on nous lye.

C'est grand chose qu'amour! il bruste les oiseaux, Il enstamme les vents, les serpens, & les eaux, Et le cueur immortel & des Dieux & des hommes:

Si donc il dompte tout, ne le despitons point, Mais chantons la douceur de son trait qui nous poingt, Tandis qu'il nous est doux, & que ieunes nous sommes.

SONET XXIIII.

Le Soleil qui m'esclaire & de iour & de nuict, Fait mon estat, Clytie, au tien peu dissemblable: Admirable est le tien & le mien admirable, Et quand ce vient au soir l'vn & l'autre nous suyt:

L'vn & l'autre des deux le cler iour nous conduyt, Et face chault & froit il nous est agreable, Il chasse de ses raiz la nui& espouentable, Et où que soit qu'il luyse, vn printemps nous produit.

Chacun d'eux sçait sonner dextrement de la lyre, Chacun des deux encor sçait l'auenir predire, Et chacun porte vn arc qui blesse hommes & dieux:

Ils different d'un point qu'heureuse tu n'essayes, Que l'un a l'arc en main & l'autre dans ses yeux, Et que le tien guerit & le mien faist les playes.

SONET XXV.

Quand le defir me poinct de reuoir celle Qui de ses yeux m'a peu le cœur rauir, Et me contreindre à l'aimer & seruir, Sentant d'amour la plus viue estincelle,

Et quand ie voi la face de la belle En vn moment ternir, rougir, pallir, Incontinent ie me fens affaillir D'vn nouueau mal, d'vne douleur nouuelle.

Helas Amour! que doibt-on esperer, Si lon ne void celle perseuerer En qui Vertu repose & courtoisse?

Amour respond : la gente creature

- » Souffre pour toi, mais moi de ma nature
- » Tiens mes subgets en crainte & ialousie.

SONET XXVI.

Tous mes vers deformais desplairoient à bon droiel, Et desormais la Muse à me suyure retiue, Et l'ardeur d'Apollon en moi seroit oisiue, Si l'estois mon DVTHIER, ingrat en ton endroit.

Le foleil de fon ail toute chofe apperçoit, Mais il n'en vid ça bas iamais de si chetiue, Ny qu'il deteste plus en l'homme tant qu'il viue, Que le vice d'ingrat des biensfaicts qu'on reçoit.

- » Malheureux est celuy qui les biensfaicts sçait prendre,
- » Comme ie fais de toi, quand il ne les sçait rendre
- » Si ce n'est par effect, au moins de volonté.
- . l'ay difette de biens, & de vers abondance, Et c'eft pourquoi des vers, ie t'offre en recompence, Les vers mieux que les biens guerdonnans ta bonté.

SONET XXVII.

Si ie vous ayme trop, ie m'en rapporte, Dame, Au Soleil qui pallit quand il m'entend douloir: Si ie vous ayme trop, ma lyre le fait voir, Qui ne chante iamais que l'ennuy de mon ame.

Si ie vous ayme trop, l'archerot qui m'entame Le sçait, qui me faist viure & de crainte & d'espoir, La terre, & l'air aussi ne sont à le sçauoir, Que de mes pleurs ie baigne & remplis de ma slame.

Si ie vous ayme trop, toutes ces pleines cy, Ces forests & ces prez le sçauent bien aussi, Qui se seichent de dueil quand mon mal ie deplore.

Bref mon amour est sceu iusque'aux bestes des eaux, Iusqu'aux bestes des bois & iusques aux oiseaux : Mais vous cruëlle, helas! ne le croiés encore.

SONET XXVIII.

Pour monstrer ce que peult la Nature feconde Pour vn homme embellir, BRINON iadis nasquit, Et parfait en beauté, sur la terre il vesquit, Riche de tous les biens dequoi le ciel abonde.

Pour faire voir encor' que peu de tens au monde Dure vne grand beaulté, la Parque le conquit, Mais en le conquestant son renom en vainquit, Car il vole immortel sur la terre & sur l'onde.

Les Muses qui son bruict veulent rendre plus beau, Mille sortes de fleurs sement sur son tombeau, Et vis hors du tombeau le desenseuelissent.

Heureux donques BRINON, qui viuant eut le mieulx De ce qu'on peult auoir de Nature & des cieulx, Puis que luy mort, de mort les Muses l'affranchissent.

SONET XXIX.

Ie l'ayme bien, pour ce qu'elle a les yeux Et les sourcils de couleur toute noire, Le teint de rose, & l'estomac d'yuoire, L'aleine douce, & le riz gracieux.

le l'ayme bien, pour son front spacieux, Où l'amour tient le siege de sa gloire, Pour sa faconde & sa riche memoire, Et son esprit plus qu'autre industrieux.

le l'ayme bien, pource qu'elle est humaine, Pource qu'elle est de sçauoir toute pleine, Et que son cœur d'auarice n'est poingt,

Mais qui me fait l'aymer d'yne amour telle, C'est pour autant qu'el' me tient bien en point Et que ie dors quand ie veux auec elle.

SONET XXX.

Celuy qui sur la mer trop longuement tracasse, Souvent fait son tombeau des ondes de la mer, Et cil qui de cuirasse ayme trop à s'armer, Le plus souvent reçoit la mort sous la cuirasse:

Ainsi tant asprement vn amour ie pourchasse, Et tant d'aspres ennuys ie souffre pour aymer, Que mourant ie ne n'en puys que moy mesme blasmer, Tant va le pot à l'eau, qu'à la fin il se casse. »

l'ay veu que ie rioy des pauures amoureux, Et dedaignoy le traict qui me fait langoureux, Pensant sot que i'estoi qu'il n'eust sur moy puissance :

Mais ce Tyran Amour m'a tellement reduyt, Que ie n'ai nul repos ny de iour ny de nuist Et ne puys à la mort plus faire refistance.

SONET XXXI.

S'il ne te desplait point, FVMEE, ie te prie Enseigne moy que c'est que l'amour qui me poingt : Car chetif que ie suis ie ne le cognoi point, Bien qu'il exerce en moi toute sa seigneurie :

Dy moi s'il est issu du sang d'vne furie, Ou si Mars & Venus le feirent en tel poinct, Pour nous remplir ainsi (Venus me le pardoint) Non d'amour seulement mais de forcenerie.

Dy moi d'où vient cela que ie ne puis sçauoir En aymant ce que i'ayme, & que ie veux auoir, Et où vont noz esprits quand l'amour les transporte.

Dy moy comme fi droit il vise dans noz cueurs, Et si tu sçais comment on sort de ces langueurs, Enseigne moi pour dieu comme il sault que i'en sorte.

SONET XXXII.

Où print l'enfant Amour le fin or qui dora En mille crespillons ta teste blondissante? En quel iardin prit-il la rose rougissante, Qui le liz argente de ton teina colora?

La douce grauité, qui ton front honora, Les deux rubiz balais de ta bouche allechante, Et les raiz de cet ail qui doucement m'enchante, En quel lieu les prit-il quand il t'en decora?

Où prit Amour encor ces filets & ces lesses, Ces haims & ces apasts que sans fin tu me dresses, Soit parlant ou ryant, ou guignant de tes yeux?

Prit-il d'Herme, de Cypre & du list de l'Aurore, Des rayons du soleil & des Graces encore, Ces atraits & ces dons, pour prendre hommes & dieux?

SONET XXXIII.

Amour, tu sçais tresbien, que constant en ma foy, l'ay sous tes loix passé le printens de ma vie, Et que i'ay de bon cœur ton enseigne suyuie, Comme mon gouuerneur, mon seigneur, & mon Roy.

Maintenant qu'en l'esté de mes ans ie me voy, l'u m'as plus que iamais la franchise asservie, Et semble Amour, helas! que tu prennes enuie De rengreger mon mal, pour voir la fin de moi.

Hé, que t'ay-ie fait, las / hé quoy, que veulx tu dire? Des maulx que i'ay soufferts ne te peult il suffire, Sans d'age en age ainsi me suiure & m'agrauer.

Voicy ia mon Autonne, Amour, qui me vient prendre, Mais ie te parle en vain, tu ne me veux entendre, Dieu vueille au moins que franc ie sois en mon hyuer.

SONET XXXIIII.

Bien heureux est celuy, qui loing de la cité Vit librement aux champs dans son propre heritage, Et qui conduyt en paix le train de son mesnage, Sans rechercher plus loing autre felicité.

Il ne sçait que veult dire auoir necessité, Et n'a point d'autre soing que de son labourage, Et si sa maison n'est pleine de grand ouurage, Aussi n'est il greué de grand' aduersité.

Ores il ante vn arbre, & ores il marye Les vignes aux ormeaux, & ore en la praîrie Il desbonde vn ruisseau pour l'herbe en arouzer:

Puis au foir il retourne, & fouppe à la chandelle Auecques ses enfans & sa femme fidelle, Puis se chauffe ou deuise & s'en va reposer.

SONET XXXV.

Ce beau poil est le reth auquel ie fu surpris, Ce regard attrayant est le traist qui m'entame, Ce beau sourcil est l'arc, & l'ail brun de Madame Est cil qui m'a feru, non l'enfant de Cypris.

Dans si belle prison ie nourriz mes esprits, le nourriz la blesseure au prosond de mon ame, Et captif, & nauré, ie n'adore ou reclame, Que l'ail qui m'a blesse, & le poil qui m'a pris.

L'or de ces beaux cheueux cil des Indes furmonte, Les raiz de ce bel ail font obscurcir de honte Les rayons du soleil quand plus cler il reluyt.

Heureux donc qui captif dans ce beau poil demeure, Feru de l'æil qui peut faire vn iour d'vne nuiel, Mais plus heureux encor s'il conuient qu'il y meure.

SONET XXXVI.

L'hyuer s'en va, GIRARD, & Zephyre rameine, Le chef couuert de fleurs le plaisant renouueau, Desia plus libre aux champs gazouille le ruysseau, Et desia par les bois i'oy Progne & Philomene.

Le pré se reuerdit, le ciel se rassereine, Le soleil luyt sur nous d'vn plus tiede slambeau, Les herbes & les fleurs, la terre, l'air, & l'eau, Et toute beste aux champs d'amour est toute pleine.

Mais pour moi, las, helas! ne revient que douleur, Que tristesse & tourment, qu'angoisse & que malheur, Et pis encor, GIRARD, si pis il se peut dire:

Et ces champs, ces oiseaux, ces sleurs, & ces Zephyrs, A qui sur ce printens toute chose on void rire, Renouuellent en moy mes antiques souspirs.

SONET XXXVII.

Escoute, REVERGAT, ie te veulx faire entendre Pendant ma longue absence, en quell' sorte ie vy, L'amour tient mon esprit plus que iamais rauy, Et si moins que iamais ie puis l'amour aprendre.

Ie voy bien que de luy ie ne me puis defendre, Et qu'vn bel æil me tient doucement afferuy, Qui du bien, qui du mal me faisent à l'enuy, Mais ie ne puis d'amour autre chose comprendre.

Icy ie vis Madame, icy ie fu feru, Là ie fu d'vn regard par elle secouru, Icy ie la vy douce, & là, de rigueur pleine:

Icy cueillir des fleurs, là, ie la vey danser: Et voilà, REVERGAT, de quel vague penser Amour fait plus amere & plus douce ma peine.

SONET XXXVIII.

Assié toi là, GVYON, & me dy des nouvelles, Nous nous sommes assez embrassez & cheriz, Que dit on à la court, que fait on à Paris, Quels Seigneurs y void on, & quelles damoiselles?

Verrons nous point de fin à ces guerres cruelles?
Le froment & le vin sont ils point encheris?
Et parmy tant de maulx ne voit on point perion Tant d'emprunts, de taillons, d'imposts & de gabelles?

As-tu point apporte quelque liure nouueau?
As tu point veu Ronsard, ou Paschal, ou Belleau,
Que dit on que fait on? dy moy ie te demande,

Le leusneur est il point de parler dispensé? Le bastiment du Louure est il fort auansé? Que dit on au Palais, & que sait la Normande?

SONET XXXIX.

Ce grand CHARLES sans peur qui guerroyoit naguière, Et qui le fer au poing dedaignant le trespas Se iettoit, courageux, au plus fort des combats, N'estant iamais de ceux qui se rangent derriere:

Ce grand CHARLES sans per, dont l'Itale est si fiere, Les armes qu'il portoit met librement à bas, Et par autre sentier dressant ores ses pas, Change en paisible habit sa cuirasse guerriere.

Là donc France, courage, il est encore tien, Et ce changer d'habit n'est fait que pour ton bien, Predisant mile maulx à l'Espagne ennemie.

Car si l'augure a lieu, ce CHARLES cy sera L'instrument par lequel l'Itale on vengera De Charles Empereur & de su tyrannie.

SONET XL.

le ne viz onc, DILLIERS, hoste trop volontaire, Qui nee fit encherir en fin son hostelier, Et ne veis onc traicter si bien vn escolier, Qu'on n'eust tousiours en sin peine à le satisfaire.

Ie ne veis onc aussi maistre trop debonnaire, Qui ne feit son valet en sin trop famillier, Et ne veis onc aussi de vaillant cheualier, A qui la guerre en sin ne feust vn peu contraire.

Bref, ie vois peu de gens se pouuoir contenir Long temps en leur bonheur, sans ingrats deuenir, Vers leur mesme fortune, & sans se mescognoistre.

Autre que toi, DILLIERS, possible ne m'entend, Et c'est pourquoi ie viz plus heureux & contant Qu'vn hoste, vn escolier, qu'vn guerrier ny qu'vn maistre.

SONET XLI.

Laisse pour quelque temps ta Cassandre en arriere Et ta Marie aussi, mon Apollo Ronsard, Laisse gentil Bellay, ton Oliue à l'escart, Et toy sçauant Bais, ta nouuelle guerriere.

Laisse divin Pascal ta gentille Riviere, Et vous encor Pangeas, Desautels, & Tyard, Laissez pour quelque tens la beaulte qui vous ard, Pour voir quelle est vers moi vne beaute plus siere.

Et si quelcun de vous descriuant ses amours, A peu trouuer confort ou remede, ou secours, Pour Dieu qu'il me l'aprenne, asin que ie m'en vaille:

Toute mon esperance à vous se vient renger,

- " Car ceulx-la peuuent bien qui sortent d'un danger,
- » Enseigner le moyen comme il faut qu'on en saille.

SONET XLII.

A tout iamais les raiz de la vermeille Aurore Aparoissent serains en tel iour que cettuy, L'heur nous soit aussi grand qu'il nous est au iourd'huy, Plus plaisant qu'autre iour que le ciel nous colore:

La Paix & l'amitie & la Iustice encore, L'honneur & la vertu soient tousiours auec luy, Et toufiours en soient loing, la tristesse, l'ennuy, Et les maulx qu'apporta la fatalle Pandore:

Car en vn pareil iour que cettuy fortuné Mon inuincible Prince heureusement est né, Sous la large faueur d'yne estoille benigne :

Sous luy le fiecle d'or encore reuiendra, Le sort sera pour luy, & sa victoire insigne Du Scythe iusqu'au More heureuse s'estendra.

SONET XLIII.

O trop caduc penser, ô trop fresse vouloir, O malsaine raison, ô poursuyte trop vaine, Vous ne iouyrez plus du plaisir de la peine, Et du plaisant ennuy qui me faisoit douloir.

O defir que i'ay mis du tout à nonchaloir, O fleche de venin & d'amour toute pleine, O lus qui me tenois en prison inhumaine, Voz effors dessus moi ne peuuent plus valoir.

O caresses, semblans, & riz pleins de feintise, O propos, mains, & cueur rempliz de couuoitise, Vous ne retiendrez plus mon esprit langoureux:

Et toi fureur d'amour dans mon ame alumée, Ta vehemente ardeur s'en va toute en fumée, Et plus franc que iamais ie reste bien heureux.

SONET XLIIII.

Quand ie vois voir Madame, Amour foubdain m'ordonne, Qu'en plus de cent papiers, i'efcriue fes beautez, Encore que l'honneur de telles nouveautez, Comme vn trop hault subget les mieux disans estonne.

Mais fault il pas GIRARD, que l'auure i'abandonne, Si i'ay veu du Soleil les cheuaux arrestez, Et luy tout ententif mirer ses raritez, Puis s'enfuir honteux qu'il ne la parangonne?

l'ay veu cent fois, GIRARD, que tous deux en vn iour, Et tous deux en vn point sortoient de leur seiour, Comme à l'enuy monstrant la beaulté de leur face:

Cettuy les feux du ciel faifant efuanouyr, Et cette cy foubdain le faifant enfuyr, Pour raiz de fes yeux abandonner la place.

SONET XLV.

Que ferai-ie, PANGEAS, afin de garentir Mon esprit de l'amour, qui sans cesse le lime, Puis que le bal, la balle, & la paulme & l'escrime Et mille autres tels ieux ne l'ont peu diuertir?

Tout animal peult bien quelque repos sentir Au soir, quand le grillon sa voix tranchante anime, Mais ie n'ay iamais sceu par les sons de ma ryme, Ny de iour ny de nuich mon tourment alentir.

Oy donc, mon cher PANGEAS, ton cher Magni qui pleure, Qui pleure vainement & sanglotte à toute heure, Et vien quelque confort de tes vers luy donner.

Qu'ainsi puissent les miens amollir ta Colombe. Et l'araigne à iamais ne puisse sur ta tombe Quand tu seras en bas sa toille façonner.

SONET XLVI.

Quand ie voy qu'elle escript, soubdain ie m'esmerueille De ses traits finguliers coulant disertement: Quand ie voy qu'elle parle, ell' dit si proprement Que mon esprit soudain se pend à mon oreille.

Quand ie l'oy qu'elle chante, ell' n'a point de pareille, Quand ie voy qu'elle rit, ell' rit si doucement, Et quand elle se tait, ell' se tait tellement, Que cent nouueaux amours dans mon ame elle esueille.

Bref tout ce qu'elle dit, & tout ce qu'elle fait, Est si doux, si gentil, si rare & si parfait, Que trop heureux est cil qu'elle tient en destresse:

Et c'est pourquoy voiant tant de perfection, l'ay comblé mon esprit de tant d'affection, La prenant & tenant pour Madame & maistresse.

SONET XLVII.

Ces beaux cheueux dorés, ce beau front spacieux, Ce teint blanc & vermeil, ce beau sourcil d'ebene, Cette bouche d'aillets & de musc toute pleine, Cet ail, ains ce soleil digne de luyre aux cieux,

Cette gorge de liz, ce sein delicieux, Où Venus à l'esbat ces trois Graces ameine, Ce beau port de Déesse, & ce chant de Syrene, Qui tire à soy le cueur des hommes & des dieux:

Ce riz qui peult fleschir le Scythe plus sauuaige, Cest esprit desia meur en son verdissant age, Et ce parler disert qui coule si tresdoux,

Alument celle ardeur qui bruste en ma poitrine, Dame, pour vostre amour, & sont encore en vous, Graces qu'à peu de gens la Nature destine.

SONET XLVIII.

l'ay dist cent fois, PASCAL, & le veulx dire encore, Que plustost l'Ocean sans eaux demourera, L'aigneau parmy les loups plustost s'asseurera, Et sans sleurs en Apuril seront Zephire & Flore.

Plustost d'eau de mon Loth blanchira lon yn More, Et contremont plustost son cours retournera, Et l'Aurore au matin en Occident fera, Et le Soleil au soir où se leue l'Aurore :

Que ce traistre Bastard de meschance remply, Face oeuure qui ne soit en malice acomply, Veuf de grace & d'honneur, & de rude pointure :

Et pourra ce grand Tout se faire vn petit rien, Plustost que ie le cele, & que ie vueille bien A ce traistre Bastard de peruerse nature.

SONET XLIX.

O bien heureuse nuich, à moy plus douce & chere Que ne me fut onc cher le iour le plus luysant, Tu m'as fait si content d'yn si ioly present, Qu'il ne sera iamais que ie ne te reuere.

Tu pouuois bien mon heur plus long tens satisfaire, Mais tu ne pouuois pas le faire plus plaisant, Dont ie mercie Amour, qui mon mal appaisant M'a rendu bien heureux d'yne telle maniere :

l'euz presque le moyen de me pouvoir lasser, Mais non de me saouler, de baiser, embrasser, Taster & caresser les beautez de m'amie:

Mais cela qui me fit bien heureux de tout point, Ce fust qu'en ce plaisir d'allegresse endormie, le songeois en songeant que ie ne songeois point.

SONET L.

Lors que le cler Soleil faisant place à la nuid, Plonge son char doré dedans la mer profonde, Et lors que par le ciel ses cheuaulx il conduit, De ses raiz enslammés donnant lumiere au monde:

Bref de iour & de nuich le malheur qui me suit Dessus moy miserable immobile se fonde: Et si rien me soulage, & si rien ne me nuyt, C'est le seul passetemps de la Muse faconde.

Les seuls vers de la Muse allegent mes ennuys, Et seuls me font passer & les iours & les nuicts; Quelque peu consolé parmy tant de martire:

Mais quoi? par mots couvers i'exprime mon malheur, Et celuy qu'on tourmente & qui ne l'ose dire, » Rengrege en se taisant soy mesmes sa douleur. »

SONET LI.

Vn chacun qui me void le visaige si blesme, Dit soubdain, GOHORI, que t'ai le mal françois, Et le dit tellement quelque part où ie sois, Qu'autre chose ie n'ois, que le bruist qu'on en seme :

A l'ouyr dire ainfi, ie le croiroy moi mesme S'en quelque endroit de moi quelque douleur i'auois, Mais i'ay les membres sains & facile la voix, Et ay tousiours la bouche en appetit extreme.

Sçais-tu, mon GOHORI, qui me fait estre ainsi? C'est vn trompeur espoir qui me paist de souci, Viuant trop incertain du fruict de su parole:

Mais qu'on m'oste ce soing qui les esprits me rompt, Et lors ie reprendrai ma couleur sur le front, Et serai quant & quant gueri de la verolle.

SONET LII.

Heureux mes yeux qui deués bien tost veoir Cette clarté d'où vient vostre lumiere, Heureuse main qui deués coustumiere, Cette autre main doucement receuoir.

Heureux Amour qui sceustes deceuoir Si cautement ma franchise premiere, Heureux mon cueur qui regettez arriere Tout autre bien pour cettuy conceuoir:

Apres qu'absent i'ay souffert vne peine Pire cent fois qu'vne mort inhumaine, Ie sens venir la fin de ma langueur,

Qui d'vn tel bien fait contante ma vie, Qu'à l'heur des dieux ne porte ores enuie Mon ail, ma main, mon amour, ny mon cueur.

SONET LIII.

Quand ie te voy, BIZET, auec ton Espagnolle, Alleger doucement ton amoureux soucy, D'vn acueil, d'vn baiser & d'vn riz adoucy, Et quand en l'acollant ie voy qu'elle t'acolle :

Vn tel brazier d'amour & m'eschaufe & m'asfolle, Que ie vouldroy soubdain la caresser ainsi, Et vouldroy qu'elle encor me caressast aussi, Et l'en prirois soubdain, mais ie crains la verole :

Mais ie crains la verolle, & la crains à bon droit : Hé dieux! BIZET, hé dieux! & qui ne la craindroit Quand ell' difforme tant & fait tant de dommage,

Du Riz en a la face & le corps afollé, Quesnay en a le chef & le menton pellé: Quels exemples plus grans vouldrois-tu dauantage?

SONET LIIII.

l'auoy fait de mes pleurs vn fleuue spacieux, Où de fortune Amour par qui ie les distille, Faillit de se noyer, car son æste mobile, Moitte de cette humeur, ne sceust voler aux cieux.

Sans prendre long confeil, pour se garantir mieux, Il feit de son carquois vne barque subtille, Vn mast feit de son arc à naurer tant habille, Et vne voile feit du bandeau de ses yeux.

De la corde de l'arc des cordaiges il feit, Ses traits d'or & de plomb pour auirons il meit, Et de mille souspirs il feit enster sa voile:

Et voyant ma Maistresse à l'heure sur le bord, Il inuoqua son aide, & paruint à bon port, Ayant son œil diuin pour Phare & pour estoille.

SONET LV.

O beaux yeux bruns, ô regards destournes, O chaults souspirs, ô larmes espandues, O noires nuichs vainement attendues,

O iours luysans vainement retournez:

O tristes pleints, ô desirs obstine;, O tens perdu, ô peines despendues, O mille morts en mille retz tendues, O pires maulx contre moy destinez:

O pas espars, ò trop ardente flame, O douce erreur, ò pensers de mon ame, Qui çà, qui là, me tournez nuics & iour,

O vous mes yeux, non plus yeux mais fonteines, O dieux, ô cieux, & personnes humaines, Soyez pour dieu tesmoins de mon amour.

SONET LVI.

Quel honneur penses-tu que ce te soit, Maistresse, De me monstrer ainsi tant de siere rigueur? Le iour que ton bel ail enamoura mon cueur, Ton ail me promettoit beaucoup moins de destresse.

Ne vois-tu point le tens qui nous suyt & nous presse? Vois-tu pas cet æillet comme il perd sa couleur? Vois-tu pas mon ennuy, ma peine & ma douleur? Fais moy donc ie te pry quelque peu de caresse.

Si tu veulx d'vn regard mon cueur fauoriser, l'attendray douze mois pour auoir vn baiser, Pourueu qu'au bout du terme vn baiser tu me bailles :

Et si tu veux apres que l'attende en langueur, Six ans le dernier poinct, l'attendray de bon cueur, Pourueu qu'au bout du terme aussi tu ne me failles.

SONET LVII.

S'esbayt-on, DVBVTS, si nostre vieil Cahours N'a gardé que si peu de sa vieille excellence, Les vertuz on poursuyt, les vices on dispence, Et l'amour & la foy n'ont desia plus de cours.

Si tost qu'vn garson naist, on le garnit d'atours, On le flatte, on le gaste, aux honneurs on l'auance, Et si tost qu'vne fille, on l'adextre à la danse, Au chanter, au parler, tous aiguillons d'amours :

De ce train depraué cette cité si saincle, N'auoit iadis tant d'heur & tant de gloire ateinte, Qu'en pire estat, DVBVYS, ne puisse elle finir:

Que ne corrompt le tens? mieulx valoient noz aieulx Que noz peres, helas! & nous valons moins qu'eulx, Et pis encor vaudront noz nepueuz aduenir.

SONET LVIII.

Rossignollet ioly, qui dedans la maison Chantes de ma Maistresse, en vne estroite caige, Naguere tu soulois, libre par le bouscaige, Annoncer de ton chant la nouuele saison.

Mais ores plus content de ta douce prison, Tu ne veux que chanter ton bien heureux seruaige : Tout autre prisonnier perd soubdain le courage, Mais toi de l'augmenter as meilleure raison.

Ta prison est de bois, & de fer est la mienne, Tu t'attens de rentrer en la franchise tienne, Et moy plus malheureux n'espere iamais rien.

Toi de voir ma Maistresse as cent mille allegresse Et moy pour l'auoir veuë ay cent mille destresses, Peusse-ie mon destin changer auec le tien.

SONET LIX.

S'amour est vne ardeur, d'où me vient tant de glace? S'amour est aueuglé, comment me fait il veoir? S'amour est si doubteux, où pren-ie mon espoir? Et s'il est vng plaisir, que n'a t il en moy place?

S'amour est libre & franc, d'où vient donc qu'il m'enlasse? S'amour est vne paix, que ne la pui-ie auoir? S'amour est vne mort, que me vault le douloir? Et s'il est vn repos, d'où vient donc qu'il me lasse?

S'amour ne blesse point, qui donc me naure ainsi? S'amour est si ioyeux, d'où vient tant de souci? Et si plus doulx que miel, d'où vient tant d'amertume?

Las! amour ne se plaist d'estre cogneu de nous, Et plus pour le cognoistre vn esprit se consume, Et moins il sçait en fin s'il est amer ou doux.

SONET LX.

Si l'aime autre que vous, ce penser bien humain, Qu'amour si doucement mit iadis en mon ame, S'en parte à l'heure-à l'heure, & ce beau feu, Madame, Qui bruste dans mon cœur s'esteigne aussi soudain.

Si l'aime autre que vous, cest espoir me soit vain Que l'ay de paruenir au bien que le reclame : Si l'aime autre que vous, ce bel æil qui m'enflamme Me soit tousiours plus beau, & plus plein de dedain.

Si l'aime autre que vous, puisse-ie dans ma bouche, N'auoir plus que souspirs, & la nuisse en ma couche Que regrets & tourments qui troublent mon repos.

Or ie n'aime que vous, & si n'ay pas enuie D'aymer autre que vous, changez donc de propos, « Car ie ne sers Amour pour Rachel & pour Lie.

SONET LXI.

Veux tu sçauoir, LE CREC, pour quoi ie t'aime bien? Ie t'aime bien le Crec, pour autant que tu m'aymes, Et que noz amitiez scnt toutes deux extremes, Et ioinctes par sermens d'yn eternel lyen.

Que peut on defirer de bon heur & de bien Plus qu'vn amy fidelle & qu'vn autre soi mesmes? Tous les honneurs mondains & les Indiques gemmes, Au pris d'vn vray amy i'estime moins que rien.

Pour toy ie foustiendroy le ciel & ses tempestes, Pour moy tu combatrois yn serpent à sept testes, Et pour toy volontiers ie descendroy la-bas.

Pour moy tu voudrois faire vne chose impossible, Pour toy ie voudrois dire vne chose indicible: Serions-nous pas ingrats de ne nous aimer pas?

SONET LXII.

Quand ie voy quelque fois Madame emmy la rue, Qui tient tous les passans en esbayssement, Bien que de la veoir i'aye vn grand contentement, le ne fay point semblant de l'auoir iamais veuë.

Mais quand dedans vn list ie la tiens toute nue, Et que nous nous baisons l'vn l'autre ardantement, Et que nous nous serrons l'vn l'autre estroitement, Il ne semble pas lors qu'ell' me soit incongnuë.

Ie ne dy point son nom, & dire ne le veux, Pource que les amours qui sont entre nous deux Ie ne voudroy pour rien estre sçeus de personne:

Il me suffit aussi de cognoistre mon bien, Et d'auoir en aimant la fortune si bonne, Que ie suis bien aimé sans qu'il me couste rien.

SONET LXIII.

Emerueillable esprit que nostre siecle admire, Pour admirer si bien l'admirable beauté, Ainsi puisse l'amour amollir la durté De ta belle Admirée, où la beauté se mire :

Ie m'admire moymesme en venant à te lire, Tant la merueille est grande à veoir sa cruaulté, Tant la merueille est grande à veoir sa priuaulté, Dicte admirablement sur les nerfs de ta lyre.

Ie voy tous amoureux en toy se remirer, Et en se remirant ton amour admirer, Qu'admirable tu peins de couleurs nompareilles.

Et si l'ose iuger d'œuure tant merueilleux Bien qu'il ne dresse au ciel vn sourcil orgueilleux, Si l'oseray-ie mettre au rang des sept Merueilles.

SONET LXIIII.

- M. Hola, Charon, Charon Nautonnier infernal.
- c. Qui est cest importun qui si pressé m'appelle?
- M. C'eft l'esprit éploré d'vn amoureux fidelle, Lequel pour bien aimer n'eust iamais que du mal.
 - c. Que cherches tu de moy? M. le passaige fatal.
- c. Qui est ton homicide? M. ô demande cruelle! Amour m'a fait mourir. c. iamais dans ma nasselle, Nul subget à l'amour ie ne conduis à val.
 - M. Et de grace, Charon, reçois-moy dans tu barque.
- C. Cherche vn autre nocher, car ny moy ny la Parque, N'entreprenons iamais sur ce maistre des dieux.
- M. l'iray donc maugré toy, car i'ay dedans mon ame Tant de traids amoureux, & de larmes aux yeux, Que ie seray le sleuue, & la barque, & la rame.

SONET LXV.

EME, quand Tolomée eust envoié la teste De Pompée à Cesar, Cesar pour couvrir mieux L'aise qu'il en sentoit, sit soudain de ses yeux Escouler mille pleurs, & n'en feit autre seste.

Quand Hannibal aussi veit sinir sa conqueste, Et veit perir son heur, seize ans victorieux, Encor que le destin luy sust trop ennuieux, Il couuroit son despit d'vn rire bien honneste.

Ainfi l'homme prudent couure sa passion Sous vng manteau contraire à son assliction, Et fait tousiours semblant d'estre content & libre :

Partant si quelque fois tu m'ois rire ou chanter, Ne pense que ce soit pour me sentir deliure, C'est pour couurir le mal qui me vient tourmenter.

SONET LXVI.

Inutille desir, interditte esperance, Cauteleuse pensée & vouloir aueuglé, Larmes, plaincles, souspirs & tourment dereiglé, Donnez ou paix ou tresue à ma longue sousfrance.

Et s'au mal le dedain ny l'oubly n'a puissance, Et que ie doiue ainfi sans fin estre comblé De tant & tant d'ennuy dans mon ame affemblé, Face la mort fur moy sa dure violence :

Ou le ciel promptement me foudroie le chef, Car ie n'ay point de peur de nul mortel meschef, Pourueu qu'en trespassant ma peine ne me suiue:

Sus donc Amour, va-ten, retire toy, a dieu, Ta force en mon endroit demeure ores oifiue, Puis que nouvelle playe en moy n'a plus de lieu.

SONET LXVII.

Viuons, Belle, viuons & fuiuons nostre amour, De cent diuers plaisirs bien heurant nostre vie, Sans estimer en rien le babil de l'enuie, » Qui du bon heur d'autruy se tourmente tousiour.

Le foleil s'en va bien & reuient chacun iour : Mais depuis que la Mort nostre vie a rauie, Et qu'vne fois en bas nostre vmbre l'a suiuye, Il ne fault plus, Maistresse, esperer du retour.

Suyuons donques heureux nostre amour fortunée, Et viuons peu soigneux du iour à la iournée, Sans songer aux ialoux, n'au trespas inhumain.

Perisse cettuy-la qui d'ardente malice Brasse vn mal dessus nous, & cil aussi perisse Qui se ronge l'esprit du soing du l'endemain.

SONET LXVIII.

A quel nectur, NAVIERE, ou à quelle ambrosse, Pourroit-on la douceur de l'amour égaller? De quel plus beau subget pourrions-nous bien parler, Que parler de l'amour dans nostre poësse?

De quel aise pourroit nostre ame estre saisie?

Dequoy mieux que d'amour la pourrions nous souler?

Si n'estoit la fureur qui nous vient affoller,

De cette malheureuse & faulce ialousie.

C'est vn serpent caché sous vn monceau de sleurs, C'est vn monstre cruel qui se paist de noz pleurs, Et nous fait, & fait saire à nous mesmes la guerre.

De rage & de venin il nous emplist les seins, Il trouble noz repos, noz heurs & noz desseins, Bref, c'est pour les humains vng enser sur la terre.

SONET LXIX.

Maistresse, ie vouldroy, ie vouldroy bien descrire, Descrire bien le mal, le mal que i'ay pour toy, Pour toy i'endure tant, i'endure tant d'esmoy, Qu'à la fin tu prendrois pitié de mon martire.

Ie fay bien quelque fois, quelque fois à ma lyre, A ma lyre chanter, chanter quelle est ma foy, Quelle est ma foy, helas! helas! mais ie ne voy Comme dire mon mal, car il ne se peult dire.

Si tu sçauois, Amour, l'amour dont ie suis plain, Dont ie suis plain, helas! tu ne voudrois qu'en vain l'aymasse si long temps les beautez de sa face.

Mais il femble à la veoir, à la veoir que tu veulx, Que tu veulx ignorer le mal dont ie me deulx, Afin que pour guerir en aymant ie trespasse.

SONET LXX.

Autre que ie ne suis on ne me sauroit saire, Et si l'ardeur d'amour enstamme mes esprits, Et si ie sais des vers dignes de quelque pris, C'est irriter les Dieux de dire le contraire:

D'où vient donques, PILA, qu'vn ieune secretaire, Vn orgueilleux mignon de la molle Cipris, Mon amour & mes vers ose mettre à mespris, Faisant d'vn œuvre saint vn iugement vulgaire?

- » Il est vrai qu'vn autheur reçoit bien peu souuent
- » Son honneur merité, tandis qu'il est viuant,
- » Et qu'on void la vertu tousiours estre foulée :
 - » Mais vn qui trop enfle n'a rien de bon en luy,
- » Ne trouue voluntiers rien de bon en autruy,
- » Et fait ses iugements tousiours à la volée.

SONET L'XXI.

He' qu'à bon droit Petrarque a tenu ce propos, Que le list d'vn amant est vn camp de bataille, Amour dedans le mien & d'estoc & de taille, Tout le long de la nuist me naure sans repos.

l'ay beau crier mercy, i'ay beau chanter fon loq, l'ay beau iouer du luth, iouer au pallemaille, Et changer de seiour, car où que ie m'en aille Et quoi, las! que ie face il m'est tousiours à doq.

Il m'est tousiours à doz, le Tiran, & sans cesse Et de nuict & de iour il me blesse & reblesse, Sans egard ne pitié des maux que i'ay sousserts.

Si ie pensoy par mort pouuoir sinir ma peine, le me la donneroy tant soit elle inhumaine, Mais ie crains qu'il me suiue encores aux ensers.

SONET LXXII.

A toute heure ie voy croistre l'ire & l'orgueil De l'orage cruël qui si fort me tempeste, A toute heure ie voy cent slots dessus ma teste, Pour me faire en vn goussre vn horrible cercueil.

Mon bateau n'est chargé que d'angoisse & de dueil, Et quelque temps qu'il face il est tousiours en queste, L'anchre, c'est ma raison qui iamais ne l'arreste, Pour peur d'un vent contraire ou crainte d'un escueil.

Toy donc, mon AVANSON, qui vois quel est l'orage, Et qui peux, si tu veux, me sauuer du naufrage, M'essoingnant du danger, du mal & du soucy,

Mets la main au tymon, & me fais faire voile En plus heureuse mer & sous plus douce estoile, D'vn fauorable vent m'enleuant hors d'icy.

SONET LXXIII.

De tant d'aspres tourments qu'en aymant ie supporte, De tant d'aigres ennuis qui la guerre me font, Et de tant de dedaings que i'ay peints sur le front, La seule Pacience allegement m'apporte.

La seule Pacience ouure & serre la porte De mon cœur amoureux, & se tient au prosond, Et plus le mal m'asslige & ma sorce se sond, Et plus cette Deésse aisement me consorte.

Quand les vertus iadis remonterent aux cieux, Cette Deéffe-cy par le vouloir des dieux Demeura pour confort au monde miserable :

Aussi ie l'y retrouue, & luy fais chacun iour Sur vn autel sacré vne offrande agreable, Pour estre si propice au mal de mon amour.

SONET LXXIIII.

De tous ceux que lon dit estre heureux plus que moy, Et moins que moy, BELLAY, ont merité de l'estre, L'vn est ambicieux, slateur, menteur & traitre, Et l'autre est ignorant, sans amour & suns foy.

L'yn souffle le Mercure & n'admire que soy, L'autre porte la clef des plaisirs de son maistre, Voulant pour peu d'effet grande chose apparoistre, Et l'autre est impudent pource qu'il a dequoy.

L'vn fimple en ses propos fait de la chatemite, L'autre en tous ses effets les vieux finges imite, Et l'autre ypocrisant feint le nouveau chrestien.

L'un peu fin courtisan cuidant tromper se trompe, L'autre frisque & plaisant ne sert que d'entretien, Et l'autre trop bragard se destruit en su pompe.

SONET LXXV.

Ce n'est point d'vn catherre, ou d'vne fieure tierce, Que ie suis, CASTELLAN, à present tourmenté, Vn beaucoup plus grand mal offence ma santé, Et sans sin dessus moy ses cruautez exerce.

Cèt archer qui les Dieux & les hommes transperce, Cèt Amour mal piteux qui n'a point de clarté, Ce felon rauisseur de nostre liberté, Cause ce mal en moy de sa flesche peruerse.

Ie n'ay veine ny nerf, muscle, artere ny os, En qui, mon CASTELLAN, ce mal ne soit enclos, Gueris moy donc pour dieu, de ce venin extreme.

Apollon t'a donné son pouvoir de guerir : Mais comment pourrois tu par luy me secourir, S'il n'a sceu quelque fois se secourir soymesme?

SONET LXXVI.

Demeurer, CHARBONIER, captif en liberté, Estre assailly d'un coup d'esperance & de crainte, Auoir de maltalent & d'amour l'ame ateinte, Pour chercher la douceur ne trouver que fierté,

Auoir l'air tenebreux plus cher que la clarté, Auoir dedans le cueur toufiours l'angoisse emprainte, Les larmes dans les yeux, dans la bouche la plainte, Les souspirs, les sanglots, le dueil & l'aspreté,

Defirer que la mort ne rauisse ma vie, Puis soudain desirer qu'elle me soit rauie, Estre en slamme & en glace, ore foible, ore sort :

C'est la mer amoureuse où suns voile & suns rame, Pour Tramontane ayant le bel ail d'vne dame, le vogue nuist & iour sans rencontrer le port.

SONET LXXVII.

Que verrez vous mes yeux desormais d'agreable, Puis qu'il me fault partir & changer de seiour? Que verrez vous mes yeux & de nuist & de iour, Qui ne vous soit par tout par trop espouuentable?

Quel chemin prendrez vous, qui ne soit desuoyable Pauures pieds douloureux, attendant le retour? Vous oreilles aussi pleines de mon amour, Que pourrez vous ouir qui ne soit estroyable?

Bouche que ferez vous? ie me paistrai de fiel, Et de cris & de pleints ie rempliray le ciel. Mains, que toucherez vous? toutes choses horribles.

Et toy mon pauure cueur? ie mourray de langueur. Sus donq aprestez vous à ces tourments terribles, Pauures yeux, pieds & mains, bouche, oreilles & cueur.

SONET LXXVIII.

Si l'enfant de Venus asseruit noz esprits Par les subtils rayons d'une beaulté divine, Vous qui craignez le coup de sa slesche maline, N'aprochez point d'icy, de peur d'estre surpris.

Car dedans les beaux yeux de cet autre Cypris, Qui font honte au Soleil qui le monde illumine, Amour a mis son arc & su trousse yuoirine, Et les rets dont les Dieux & les hommes sont pris.

Fuyez donques vous tous qui d'amour auez crainte, Mais non, ne craignez point vne si douce attainte, Car c'est vn bien grand heur de languir pour ses yeux:

Voyez donques heureux ceste image si belle, Et quand enamourez vous languirez pour elle, Voyez la viue encor, vous en languirez mieux.

SONET LXXIX.

MAGNY mon frere aisné, on dict en vn adage, Que cil boiue de l'eau à qui deffault le vin, Et cel' file le chanure à qui deffault le lin, Et qu'en faisant ainsi l'vn & l'autre est plus sage.»

l'ay ia mis à feruir le meilleur de mon age, l'ay ia plus voyagé que le Grec le plus fin, Sans qu'à ma feruitu i'aye peu mettre fin, N'y gaigner en feruant tant foit peu d'auantage.

Mais que veux tu, mon frere, vn chacun auiourdhuy Soit il grand ou petit, ne songe que pour luy, Tenu plus qu'à nul autre à su propre fortune.

L'amy fauche à l'amy l'herbe dessous le pié, Et celuy dont on croit le mieux estre appuyé C'est celuy le premier qui dict qu'on importune.

SONET LXXX.

Ronsard d'yne Marie a naguere chante, Et naguere il chantoit sa Cassandre diuine, Dubellay sur les ners de sa lyre Angeuine, A dit diuinement d'Olive la beaulté.

Baif a par deux fois doctement lamenté, Ores chantant l'amour d'vne douce Melline, Ores chantant celuy d'vne fiere Francine, Et l'vn & l'autre nom dans le ciel a planté.

Thiard en ses Erreurs chante vne Passithée, Tahureau dit l'honneur d'vne belle Admirée, Desautels vne Sainte, & de noms emprunte?

Chacun de ces amants nomme la dame fienne, Mais moy qui plus content vys aueques la mienne, Ie ne fains point son nom pour chanter ses beautez.

SONET LXXXI.

Par ces beaux yeux où se niche mon cueur, Et d'où depend & ma mort & ma vie, Par mon amour, & celle ardante enuie Que i'ay de veoir terminer ma langueur.

Par Apollon, & son laurier veinqueur, Par Euphrosine & Aglaie & Thalie, Par Helicon, par l'eau de Castalie, Et par le chef du Parnasside chaur.

Par tous les dieux & tous les elemens, Par tous les cieux, & tous leurs mouuemens, Qu'à mon serment i'inuoque ores sans feinte,

Mon cher BILLOT, sur ta main ie promets Que vif ny mort ie n'enfraindray iamais L'estroite foy de nostre amitié sainte.

SONET LXXXII.

Que nul soit si hardy de mon amour blasmer, Ny penser rien que bien de ma belle Antonine, Herouard des long tens ayt enslammé la Tine, Et Viard plus ateint s'en aille l'enslammer.

Lecrec soit tout rauy pour l'Isabelle aymer, Gohory tout modeste acoure à la Faustine, Castin nouveau venu aille à la Florentine, Et Saint Iulien s'en aille à la Clere alumer.

La Moudenine soit l'ardeur de Brageloigne, De Paule de Fourly, Duquesnay ne s'esloigne, Pila, pour sa Lucrece ait le cueur langoureux,

Tous font heureux amants & leurs dames heureuses, Mais ie suis seul contant entre les amoureux, Et l'Antonine est seule entre les amoureuses.

SONET LXXXIII.

Cette nuit en dormant, i'ay entendu la pleinte D'vn garson tremblotant qui frappoit à mon huis, Ouure moy, disoit-il, car tant mouillé ie suis Que presque de mon sang la chaleur est esseinte.

A l'heure de pitié sentant mon ame atainte Ic me leue, & le mets dedans ma chambre, & puis Ie fay pour le seicher ce que faire ie puis, Mais oy, mon SAVARON, sa meschanceté feinte.

Dez qu'il me void soigneux pour son bien m'empescher, Vn bel arc qu'il portoit il s'en vint deschocher Traitrement dessus moy dans ma poitrine saine:

Et depuis par ce coup i'endure plus d'ennuy, Que n'en eust Menelas quand on rauist chez luy, Sous yn traitre semblant sa belle espouse Heleine.

SONET LXXXIIII.

N'agueres, mon RONSARD, du Bellay me disoit, Que l'amour enflammoit plus que iamais ton ame, Ce n'est pas, di-ie alors, d'yne nouuelle slame, Car ains qu'icy ie vinsse amour le maistrisoit.

Ce n'est pas, respond-il, celle qui l'attisoit, Car il sert maintenant vne nouvelle Dame, Et le petit archer mieux que iamais l'entame, Et luy fait dire mieux encor qu'il ne faisoit.

Ha dis-ie lors, Bellay, que bien heureux il cel D'asseruir son esprit ainst comme il luy plaist, Sans tant faire vne amour & iamais la parfaire:

Il me plaist, comme ailleurs, en ce lieu l'imiter, Et de Dame changeant tant de peine euiter, Pour voir s'vne autre amour me sera si contraire.

SONET LXXXV.

DENISOT mon amy, quand Oreste aperceut Le forsait que commit Egiste enuers son pere, Il occit de sa main son impudique mere, Pour son pere venger de la mort qu'il receut.

Mais le chetif helas! bien tost apres conceut, D'vn si chault creuecueur vne rage si siere, Qu'il deuint enragé, voire en telle maniere, Que de long tens apres guerir on ne le sceut.

En fin, Pilade print auec luy son adresse, Au temple où s'honnoroit la vierge chassersse, Et là ce pauure Oreste obtint sa guerison.

Toi donc, mon DENISOT, qui sçais quelle est ma rage, Guide moi ie te prie aux piés de mon image, Pour r'auoir comme luy ma peu caulte raison.

SONET LXXXVI.

Ie croi, BRINON, que d'vne autre Sydere, En feu pareil ard ton cueur & le mien, Car si tu n'as en l'aymant aucun bien, D'elle aucun bien en l'aymant ie n'espere.

S'el' paist ton cueur d'yn traistement seuere, El' paist le mien tout ainsi que le tien, Et si tu meurs esclaue en son lyen, Ie suis reduit en semblable misere.

Tous deux brussez d'une pareille ardeur, Tous deux glacez d'une mesme froideur, Nous sommes serfs de deux dames haulteines :

Vn point te fait different d'auec moy, C'est que lon t'aide à conter ton esmoy, Et que moy seul conte toutes mes peines.

SONET LXXXVII.

Mille & mille flambeaux vne odeur espandoient Qui passoit en douceur l'odeur de la Sabée, Mille & mille autres voix appelloient Hymenée, Et les vndes d'Isere Hymené respondoient.

A mille & mille ieux mille gens s'atendoient, Et d'eux estoit, LONGPONT, la feste redoublée, Aux nopces de ta sæur, quand parmy l'assemblée, l'ouys dire à deux voix qui du ciel descendoient :

Amour & chastete', dirent les voix ensemble, Estreignez le lyen qui ce beau couple assemble, Si qu'entre eulx deux s'engendre vn eternel amour,

Iupiter le consent, Iunon le fauorise. La nuich se feit soubdain claire comme le iour, Et l'air sonna les noms de Ian & de Loyse.

SONET LXXXVIII.

Que veux-tu tant sçauoir & tant aprendre, Dame, Ne vois-tu pas à l'ail que pour fleschir la mort, La doctrine ne vault, ny les arts, ny le sort, Et moins pour la fuir, plume, esperon ny rame?

Miserable est celuy qui sa pitié reclame,

Car elle ne regarde à foible ny à fort,

Mais tous egalement nous fait passer le port,

Et d'yn iour incertain tient en doubte nostre anne.

Ceulx-la qui de laurier ont le chef couronné, » Et ceux qui l'ont encor de myrthe enuironné, » Bref & princes & Roys ne s'en peuuent deffendre. »

Laissons donc cet estude, & viuons plus contens, Estisant & prenant cent mille passetens, Et qui sçait si demain nous les pourrions reprendre?

SONET LXXXIX.

Ie fens mon cueur par larmes distiller, Sous les rayons d'vne flamme subtile, Comme au Soleil la neige se distille, Ou comme au vent se perd la nuë en l'air.

Qui void au feu la glace desgeler, Qui sçait qu'en l'eau la flamme est inutile, Cettui-la sçait qu'vne Nymphe gentile Me fait ainsi par larmes écouler.

Rien n'est pourtant plus benin que sa face, Rien n'est aussi plus courtois que sa grace, Ny rien encor plus vif que ses esprits:

Mais tant est fort l'honneur qui la maistrise, Qu'elle sans sin suyuant son entreprise, Deteste & fuyt mon amour entrepris.

SONET XC.

Mon divin PARDEILLAN, qui d'vne æste asseurée, Voles iusques au ciel & reuoles ça bas, Où recherchant accort ce qui ne se pert pas, Tu t'acquiers vn bon heur d'eternelle durée.

Ores tu vas chantant sur la lyre dorée, Mille beaux vers latins, qui n'ont peur du trespas, Ore aussi d'en sonner en françois tu t'esbats, Rendant de toi l'Itale & la France honnorée.

Moy chetif esplore par vn ingrat malheur, De tous mes longs trauaux ne reçoy que douleur, Ny de tout mon espoir aucun fruics ne retire:

Et suys perdu si toy qui les Muses cheriz, Et qui des Muses es vn des plus sauoriz, Par le son de tes vers n'apaises mon martire.

SONET XCI.

L'un vantera l'or frisé de ces tresses, L'autre cet æil qui fait honte au soleil, L'autre ce teint de cinabre vermeil, L'autre ce riz pour ses delicatesses.

L'autre ce port imitant les Déeffes, Ou ces deux brins de coral nompareil, Ou cette voix qui charme d'vn fommeil Le fier orgueil des plus fieres rudesfes :

Mais cest esprit qui descendu des cieux Flambe icy bas comme au temple des Dieux Flambe Cynthie, ou Venus, ou l'Aurore:

le veulx sans plus sur ma lyre chanter, Et de l'oubly ses vertuz exempter, Maugré le tens qui les ans nous deuore.

SONET XCII.

Ie recherchoy dans le sein des plus yieux, Qui demella cette masse prosonde, Où combatoient le seu, la terre, & l'onde Consusement auec l'air & les cieux:

Quand mon PASCHAL, d'yn zele curieux, Me mena voir la merueille du monde, L'autre Apollon à la perruque blonde, Ce feul COMPEIN, le bien aymé des dieux.

Heureux PASCHAL, heureuse la rencontre, Qui tout d'vn coup heureusement me monstre Mille tresors dont nostre age est dore,

Heureuse encor ma Clion qui l'adore, Puis que les vers saindement il honnore, Et que des vers il est tant honnoré.

SONET XCIII.

Pleust-il à dieu qu'ores entre mes bras le tinsse à nu ma gaillarde Cyprine, Dans ce beau list, où clos d'vne courtine, Et seul & seur, ie pers dix mille esbats.

Ie me paistroy de mille doux apasts, Ore en baisant sa leure coraline, Ore embrassant son espaule yuoirine, Et redoublant mille amoureux combats:

Et si tandis ie voioy que la belle` Feust tant soit peu farouchement rebelle A mes plaisirs, craignant quelque danger:

Ie luy donroy parmy sa mignardise Des passetens en si diuerse guise, Qu'en l'asseurant ie l'y feroy renger.

SONET XCIIII.

Mon Compaignon s'estime & se plaist de se veoir, Il est dispost, bragard & plein de gentillesse, Il oste le bonnet, il courtise, il caresse, Et fait quelque fois plus que ne veult le deuoir.

Il se plaist d'en despendre, & se plaist d'en auoir, Il ne veult frequenter que tous gens de noblesse, Il blasme ceulx qui ont en eulx quelque sinesse, Et dit qu'il fait grand cas des hommes de sçauoir.

Ce sont de fort beaux dons, & dignes qu'on les prise, Mais il est ignorant, & remply de feintise, Et aux ruses de court dextrement enseigné.

Il est moqueur, menteur, & plain de flaterie, Mesdisant & ialoux: luge donc ie te prie, Si ie ne suis, BELLAY, fort bien acompaigné.

RESPONCE.

Que ton Compaignon soit bragard & bien en point, Qu'il soit dispost, honneste & plain de gentillesse, Qu'il oste le bonnet, qu'il hante la noblesse, Qu'il change tous les iours de chausse & de pourpoint,

Qu'il ayt cet aiguillon qui tout le monde poingt De vouloir estre grand, qu'il courtise & caresse, Qu'il blasme ceulx qui ont en eulx quelque sinesse, S'il te plaist en cela il ne me desplaist point.

Il ne me deplaist point que les scauans il prise, Mais qu'il soit ignorant & remply de feintise, Qu'il soit moqueur, menteur, & tel comme au iourd'huy

Sont noz mignons de court, cela ne me peult plaire: Et pour dire en deux mots, MAGNY, que c'est de luy, C'est un bon courtisan, & mauuais Secretaire.

SONET XCV.

Ce n'est pas moy qui sçait d'yne voix feinte, Ou d'yn semblant traitrement deguisé, Feindre mon cueur d'yn amour embrasé, Pour à tous vents la slamme en estre esteinte.

Autre que moy d'vne menteuse plainte Aura l'honneur des dames abusé, Car sois-ie pris, ou sois-ie refusé, l'ayme tousiours d'vne amitié plus sainte.

Et si chantant d'une debile voix, Ou si pleurant deuant vous quelque sois, l'ay decelé mon amour & ma peine,

Asseurez vous que le cueur qui sentoit Vn plus grand mal, mon chant ne desmentoit, Ne rendez donc mon esperance vaine.

SONET XCVI.

Comme vn blanc à sagette Amour a fait mon ame, Comme neige au soleil, & comme cire au feu, Et comme nuë au vent, mais il t'en chaut bien peu, Et m'aides tousiours moins quand plus ie te reclame.

De ton ail brunissant sort le coup qui m'entame, Contre qui ne me vault helas! ny tens ny lieu, De toi seule procede, & non du petit Dieu, Le soleil, & le feu, & le vent qui m'espame.

Mon penser amoureux est le trait si cuisant, Ton visaige diuin le Soleil si luysant, Et mon desir ardant la slamme poursuiuye,

De quoy amour me poingt, m'aueugle, & me destruit, Et ta voix est le vent au deuant de qui fuyt Trop vistement helas! ma miserable vie.

SONET XCVII.

Cil escriue de toy qui d'vn aillet vermeil, Pense fleurer l'odeur aux poingnantes orties, Voir des astres du ciel les flammes amorties, Et veoir en Occident l'Aurore & le Soleil

Celuy face de toy vn œuure nompareil, Qui se veult voir à droit tenaillé des enuies, Et qui veult en mourant voir deux noms & deux vies, S'endormir tout au coup d'yn eternel sommeil.

Cil escriue de toy qui veult perdre sa peine, Qui ne beut onc de l'eau de la doste fonteine, Ny mascha du laurier sur le double coupeau.

Cil escriue de toy sur le vent, ou sur l'onde, Qui veult semer ton nom vainement par le monde, Et veoir son nom & luy sous vn mesme tombeau.

SONET XCVIII.

Aspre cueur, & sauuaige, & fiere volonté, En tant douce, & tant humble, angelique figure, Si voz grandes rigueurs plus longuement i'endure, Vous aurez peu d'honneur de m'auoir surmonté.

Soit l'autonne, ou l'yuer, le printens, ou l'esté, Ou soit-il iour luysant, ou soit-il nuist obscure, Ie me plains en tout tens de ma rude auanture, De Madame & d'Amour sans cesse tourmenté.

- " L'espoir seul me fait viure, & me fait souuenir,
- » Que i'ay veu maintesfois par espreuue aduenir,
- » Que l'eau par trait de tens les grans marbres entame :
 - » Et qu'il n'est point de cueur si dur ne si cruël,
- » Qu'on ne puisse amollir d'vn pleur continuël,
- » Ny de si froid vouloir qui parfois ne s'enflame.

SONET XCIX.

Donques il sera vray qu'vn Bastard mesdisant, En qui l'art tout contraint, erre sans la nature, A donner aux grands Roys vn loz qui tousiours dure, Sera par vn Ronsard estimé sustisant?

Le Tybre aille son cours contremont conduisant, L'aigneau parmy les loups prenne sa nourriture, Et le iour plus luysant deuienne nuist obscure, Et la plus noire nuist deuienne iour luysant.

Les oiseaulx desormais habitent aux fonteines, Et desormais aux champs habitent les baleines, Et tout par tout encor se change en l'uniuers,

Le feu, la terre, l'air & les vndes marines, Puis qu'il est vrai, BELLAY, qu'vn Bastard si peruers, Ronsard a mis au reng des personnes divines.

SONET C.

Ne me puniz, Seigneur, ny me donne la mort, Si i'adore ça bas vne humaine figure, Tu l'as faide ainfi belle, & fi c'est ta fadure, Comme en l'aymant ainsi te puis-ie faire tort?

Ie sçay que les erreurs te deplaisent bien fort, Mais c'est pour apaiser sa rebelle nature, Qui nous fait dans le cueur vne grande blesseure, Sans nous donner apres remede ny confort.

Si quelcun veult fuyr euitant sa victoire, Du Soleil qu'il voyoit il void vne nuict noire, Et reste si consuz qu'il perd su liberté.

S'il te plaist donc, Seigneur, que plus on ne l'adore, Et que pour elle ainst tant d'ennuy nous deuore, Fais sa douceur plus grande, ou moindre sa beauté.

SONET CI.

DALECHAMPS mon amy, fi dans ton Auicenne, Ou dans ton Hippocrate, ou Galen tu as veu Quelque herbe pour guerir le venin que i'ay beu, Sauue moy ie te pry de peril & de peine.

l'ay pour les beaux yeux bruns d'une douce inhumaine Tant de mal dans le cueur, de venin & de feu, Que s'on ne me guerit, ie sens bien peu à peu Ma force qui se fond, & ma tombe prochaine :

Ie ne suis plus celuy que i'estoy parauant, l'embrasse ores vne ombre, & cours apres le vent, Et naige en vne mer qui n'a ny sonds ny riue:

l'escry tous mes pensers & les seme dans l'eau, le cherche aussi dans l'air la trasse d'vn oiseau, Et chasse sur vn beuf vne bische fuitiue.

SONET CII.

- M. Amour, las! ie me meurs. A. Qui te donne la mort?
- M. La mort me donne, helas la mort me donne celle, Qui descendit du ciel si rebelle & si belle Pour me faire mourir sans espoir ny confort.
- A. Magny dy moy son nom. M. Amour vous auez tort
 De vous moquer ainsi de ma peine mortelle:
 Car vous scauez trop mieux comment elle s'apelle,
 Seule au monde viuant qui force vostre effort.
- A. Vraiment ie la cognoy, mais i'ay si grande honte De ne l'auoir domptée & voir qu'elle me dompte, Que ie n'ose monstrer cognoissance en auoir.
- M. Va t'en donques Amour fraudé de ton ateinte, Et vous tristes amans qui craignez son pouvoir, Craignez Madame seule, & de luy n'aiez crainte.

SONET CIII.

Ie cherche paix, & ne troune que guerre, Ores i'ay peur, ores ie ne crains rien, Tantost du mal & tantost i'ay du bien, Ie vole au ciel & ne bouge de terre.

Au cueur doubteux l'esperance l'enserre, ' Puis tout à coup ie luy romps le lyen, Ie suis à moy & ne puis estre mien, Suyuant sans sin qui me suyt & m'enserre.

le voy sans yeux, ie cours sans desplacer, Libre ie suis & me sens enlacer D'vn poil si beau que l'or mesme il egale:

l'englace au feu, ie bruste dedans l'eau, le riz en pleurs, & ronge mon cerueau, Chantant tousiours comme fait la cigalle.

SONET CIIII.

N'aguere ma Maistresse estoit en vne eglise, Où de bon heur, MOYEN, i'estoy semblablement, Quand ie vys vn milier d'hommes ensemblement, Rester esmerueillez de beaute tant exquise.

Bien heureux, disoient ils, qui n'a plus de franchise, Et qui pour telle dame endure du tourment, Bien heureux qui la voit, mais plus heureux yraiment Celuy qui quelque fois auec elle deuise.

Bien heureux est celuy qui la peult courtiser, Et plus heureux encor cil qui la peult baiser, Mais plus heureux cent sois qui se voit aymé d'elle.

Bien heureux suis-ie donc, ce disoi-ie à part-moy, Qui l'ayme & suis aymé, & la baise & la voy, Et parle quand ie veulx & couche auecques elle.

SONET CV.

Ie ne veulx point attendre à dessendre la-bas, Quand, vieillard radoté, ie n'auray dent en bouche, Ainçois veux qu'au cercueil aussi tost on me couche Que ie n'auray plus force aux amoureux combats.

L'homme vieil est priué de tout genre d'esbats, il est tousiours assis comme vne vieille souche, il crache seulement, & toussit, & se mouche, Et sans sin tremblotant il a peur du trespas.

Il regrette le tens de sa gaye ieunesse, Et si quelque aiguillon le poingt en sa vieillesse, C'est l'auarice, helas! qui le poingt seulement.

Il revient en enfance, & fault qu'on le netye, Qu'on agence sur luy tout son habillement, Et fault qu'on luy redonne encor de la bouillie.

SONET CVI.

Pauure Aueugle qui vas en mandiant du pain, Et qui plains le malheur dont ta vie est pourueuë, Tu n'es seul contre qui la sortune est esmeuë, Elle ha mis dessus moy plus rudement la main.

l'ay bien veu quelque fois que l'estoy libre & sain, Mais ores l'ay perdu & le cueur & la veuë, Toy d'vn fidele chien seurement par la ruë, Et moy estant guidé d'vn Aueugle incertain.

Nous mandions tous deux pour substanter noz vies, Mais tu meux à pitié ceux à qui tu mandies, Et nul n'en veult auoir de mon mal douloureux.

Ton ame est en franchise, & captine est la mienne, Vy donques plus content en l'infortune tienne, Puis que ie t'acompagne & suis plus malheureux.

SONET CVII.

Quand ie suis quelque fois assis dans le giron, Ou couché dans les bras de ma belle Maistresse, Et qu'vn plaisant sommeil les paupieres me presse, Transportant mon esprit aux riues d'Acheron:

Si quelque importun chien aboye à l'enuiron, Et que par ses aboys le sonmeil me delaisse, Lors de mille baisers la belle ie caresse, A quelque chose aussi quelque malheur est bon.

Ie pers le doux sommeil par le chien qui aboye, Mais par le chien aussi se redouble ma ioye, Car dez que le sommeil s'en volle de mes yeux,

le baise tant & tant & rebaise la belle, Que non que le sommeil, mais le nectar des Dieux, N'égallent les douceurs que ie prends auec elle.

SONET CVIII.

Aux plus froids iours que l'yuer nous apporte, Quand d'auec vous nagueres ie partoy, Vostre portrait qu'en mon sein ie portoy, Me renslammoit d'vne nouuelle sorte.

Ie voioy bien comme la bise forte Perçoit de froid ceux auec qui i'estoy, Mais sa rigueur iamais ie ne sentoy, Par la vertu de cette imaige morte.

Regardez donc si de vostre ail veinqueur, Le vif portrait peult eschausser mon cueur, Puis que le mort le peult si bien atteindre?

Bien heureux est qui sent ce feu si doux, Et plus heureux qui le sent prez de vous, Quand il le peult heureusement esteindre.

SONET CIX.

Le vaincre est en tout tens digne d'vne grand gloire, Soit qu'on l'aye par sort, ou d'art industrieux, Mais celuy rend, MOREL, son heur moins glorieux Qui de sang espandu fait belle sa victoire.

Celuy merite vn bruit d'eternelle memoire Qui de garder les fiens vaillamment curieux Met l'aduersaire en routte, & fait victorieux, Ne met plus en hazard sa fortune notoire.

D'vne de ces vertuz, IARNAC en vn camp cloz, Deuant toute la France eterniza son loz, De l'ennemy vaincu taschant sauver la vie.

De l'autre ton POVLAIN clere preuue nous feit, Ayant receu du Roy la faueur desseruie, Quand cinq cens Espaignolz naguere il desconsit.

SONET CX.

Ces iours passez comme Amour vouloit tendre Son arc doré pour mon ame offencer, Il aperceut Madame s'auancer, Qui de ce coup acouroit me deffendre.

Lors en tel point il se sentit surprendre, Que plain d'effroy, ie luy vey commencer Vn train qui peult tous les vents deuancer, Tant peult Madame inutile le rendre :

Mais en fuyant, ses traits ie vey tomber, Et tout soubdain la belle se courber, Qui les print tous. Depuis Cupidon erre

Tout defarmé, plein d'vn amer ennuy, Et ma Cypris des despouilles de luy Fait ore aux Dieux comme aux hommes la guerre.

SONET CXI.

Quand le fort envieux haulfa la fiere main, Ton frere meurtrissant d'yn iniuste tonnerre, Peult estre pour ne veoir de nouveau sur la terre, Vn Pyrrhe, vn Alexandre, ou vn autre Aphricain:

Toute Itale trembla d'en effroy inhumain, Voire tout ce que l'Austre & l'Ourse encore serre, Et eust le monde peur d'ene eternelle guerre, Car le ciel ne fait pas tels presages en vain.

Ah mort impitoyable! ah malheureuse mort! Pouvois tu pas ailleurs adresser ton effort, Sans nous faucher ainst nostre esperance verte.

Plaignez le donc Autheurs françois, latins & grecz, Et tant que vous voudrez faites grans voz regretz, Ils ne seront iamais si grands comme la perte.

SONET CXII.

DAME, ie viens à toy ce poignard en ma main, Afin de te prier de finir mon martire, Ou bien en me donnant le bien que ie defire, Ou bien m'outreperçant de ce fer inhumain.

Auras tu donc sur moy telle ire & tel dedain, Que du don de mercy me vouloir escondire? Auras tu donc sur moy tel dedain & telle ire, Que vouloir de ce fer m'outrepercer le sein?

Sus-fus ne tarde plus, ie voy bien à ta mine Que tu me veux ficher ce fer dans la poitrine, Prens le donc, le voilà, occis moy vistement,

Amour reçoy mon ame, & m'oste cette peine, l'ay vescu peu de tens, mais trop heureusement, Si ie n'eusse onques veu cette Dame inhumaine.

SONET CXIII.

AMOVR, qui vois tout seul dans mon penser ouvert, Et comme en te suyuant nuich & iour ie tracasse, Allege vn peu mon cueur du tourment qui l'embrasse, Mon cueur à toy cogneu, à tout autre couvert.

Tu sçais pour te suiuir l'ennuy que i'ay souffert, Tu vois ma pacience & ma foy qui se lasse, Et tu ne veux pourtant que i'esloigne ta trasse, Ainçois me fais tousiours te suiure en ce desert.

l'aperçoy bien de loing le feu dont tu m'alumes, Mais ie n'ay comme toy pour y voler des plumes, Et fault que i'aille ainsi sans espoir de confort.

Mourray-ie donc? ouy. Mourons donc à cette heure, Il ne m'en chault, pourueu qu'en bien aimant ie meure, Et pourueu que Madame ayt plaisir en ma mort.

SONET CXIIII.

Viue qui viure peult content allaigrement, Car ie ne vis, PASCHAL, qu'en estat miserable: Gouste qui peult gouster vn plaisir agreable, Car ie ne gouste rien que tristesse & tourment.

Sente qui peult sentir son heur abondamment, Car ie ne sens plus rien qu'vn malheur effroyable: Prenne qui prendre peult du repos amyable, Car ie n'ay que trauail & peine incessamment.

Paisse qui paistre peult son penser d'esperance, Car ie ne pais le mien que de dure souffrance, De souspirs & de pleurs, d'ennuys & de douleur.

N'ay-ie donc pas raison, mon PASCHAL, si ie pleure, Et si ie blasme ainsi le ciel de mon malheur? Mais ainsi va celuy qui naist en la male-heure.

SONET CXV.

Ie te veux, DVQVESNET, conter vne nouuelle, Et s'elle ne te plait ne t'en courrousse point: La Paule de Fourly n'a plus cet en-bon point, Qui iadis marteloit tant d'amoureux pour elle.

Ses os perçent sa peau, sa face est toute telle Qu'vn aillet trop laue qui a perdu son teint: Ses sourcils sont tombez, son poil est tout desteint, Et bref quoy qu'elle dye elle a la pelarelle.

Elle a casse la voix, elle a noires les dens, Et le nez & la bouche insectez au dedans, Les membres tous percluz fors la main qui luy tremble.

Elle a l'estomac plain de crachats & de toux, Le chef couvert de roigne, & la iambe de loups, Bref elle a la pelade & la verolle ensemble.

SONET CXVI.

Porter dessus vn mont vn rocher inhumain, Qui retombast sans sin & redoublast ma peine, Se trauailler d'emplir vn crible en la sonteine, Et voir desesperé mon trauail estre vain:

Repaistre tous les iours yn oiseau de mon sein, Et pour m'en garentir toute aide m'estre vaine, Auoir toufiours à doz vne Rage inhumaine, Ou pres de mille fruits mourir toufiours de fain :

Attendre sur vn roc l'Orque le plus terrible, Auoir deuant mes yeux vne Meduse horrible, Et cent Harpyes voir de ma table à lentour,

l'aymeroy cent fois mieux, que ce tourment extreme Que me donne & redonne, & de nuist & de iour, Sans espoir de confort la cruëlle que i'ayme.

SONET CXVII.

Ainsi qu'vn Diament est plus beau que le verre, Et comme le Soleil la grand lampe des Dieux, Espand plus de clarter sur les slancs de la terre, Que tous les autres feux qui reluysent aux cieux:

Ainsi les doux rayons qui sortent de tes yeux, Assez forts pour forcer le fort Dieu de la guerre, Et tes rares beautez obscurcissent le mieux, Des plus rares tresors que l'yniuers enserre.

Nature en son parfait aussi te compassa, Puis t'ayant faite ainsi le moule elle cassa, Pour ne faire que toy, à toy-mesmes seconde.

Qui donques voudra veoir vn auure plus qu'humain, Qu'il vienne veoir tes yeux, mais qu'il vienne soudain, Car la plus grand beauté dure le moins au monde.

SONET CXVIII.

Ie ne veux plus, BELLAY, trauailler mes esprits, Et veiller nuich & iour pour les lettres aprendre, Et ne veux les beaux traichs dans les liures comprendre, Mais plustost oublyer ceux-la que i'ay compris.

Les sçauans auiourdhuy sont tous mis à mespris, Et les grands au sçauoir ne daignent plus attendre, Les bouffons seulement ils se plaisent d'entendre, Et ceux qui font seruice au mestier de Cypris.

l'ay veu ce grand Guerrier qui Prestre ore veut viure, Chasser vn qui venoit luy presenter vn liure, Afin de retenir vn boufson prés de luy.

Et se moquant de ceux qui se plaisent à lire, Dire publiquement qu'vn bouffon le fait rire, Et qu'vn homme scauant ne luy donne qu'ennuy.

SONNET CXIX.

Comme vn bon laboureur qui seme en vne plaine, Où ne seust onc semé, le meilleur de son grain, Et met tant d'industrie auec le tens serain, Qu'il void du bled meury la cuillette prochaine:

Si par foudre, ou par vent, ou par gresle inhumaine, Le champ est saccaigé d'un oraige inhumain, Lors le laboureur perd le trauail de sa main, Mais ce n'est ny par soing, ny par saulte de peine.

Ainsi mon AVANSON, ayant seme de luy La faconde attrayante au papat du iourduy, L'alyant aux François par su prudence caulte :

Si la Trefue a rompu les desseins dessa meurs, Lors qu'on pensoit cuillir le fruict de ses labeurs, Nostre espoir est frauldé, mais ce n'est pas sa faute.

SONET CXX.

Quand vn chant fur le luth ma Maistresse fredonne, Il me semble que i'oy le Poulac fredonner: Et quand ie l'oy par fois vne sluste entonner, Il me semble que i'oy Ian Dauit qui l'entonne.

Quand l'ame à quelque chant de sa voix elle donne, Il me semble que i'oy Lambert la luy donner: Et quand de l'espinette encor ie l'oy sonner, Il me semble que i'oy Ian du Gay qui en sonne.

S'elle escrit prose ou vers, ou s'el' deuise & parle, l'oy ce semble Duthier, & Saingelais, & Carle, Discourir par escript, composer, & parler.

S'elle ouure quelque fois, ou s'el' peingt, ou s'el' balle, La Flamande, Ianet & Virgille elle egalle, A faire vn bel ouurage, à pourtraire & baller.

SONET CXXI.

Ce nouvel an ie veulx pour le devoir Vous estreiner d'une nouvelle estreine, Non d'un tresor, mais d'une soy certaine, De qui la mort ne peult la fin auoir.

De grand beaulté, de grace, & de scauoir, Et de vertu ie vous trouue si pleine, Que qui pour vous prend tant soit peu de peine N'a plus grand heur que de la receuoir.

Puis que le ciel vous a faite ainfi belle, Vous n'eustes onc vne fortune telle Que d'esprouuer l'amoureuse douceur.

D'hommes & dieux l'amour est estimée, Receuez donc mon amour & mon cueur, Et en aymant aprenez d'estre aymée.

SONET CXXII.

Ie ne sçaurois aymer ce mesdisant dosteur Qui tousiours de trauers toutes choses regarde, Ny cet autre mignon qui tout en tout se farde, Ny celuy qui malin m'oste yn bon seruiteur.

le ne sçaurois aymer vn courtisan flateur, Ny vn qui bouffonant l'vn & l'autre brocarde, Ny vn qui rien du sien pour soy-mesmes ne garde, Content de s'appouurir pour estre bon presteur.

le ne fçaurois aymer le feruice d'vn maistre Qui ne veult rien tenir de ce qu'il veult promettre, Ny cil qui les absens prend plaistr de blasmer.

Ny cettuy là qui taille & à dextre & à gauche, Ny celuy qui, peruers, dessous le pied me fauche L'esperance que i'ay, ie ne saurois aymer.

SONET CXXIII.

Sus, leue ces papiers, descharge m'en la table, Et ne m'en monstre aucun, Battylle, d'auiourd'huy, Car ie ne veulx rien voir qui puisse faire ennuy, Et ne veulx faire rien qui ne soit delectable.

Ce iourd'huy me soit feste, & non point iour ouurable, Mon Capi est venu, & pour l'amour de luy Ie veulx prendre mon aise, & m'estoigner d'autruy Pour auecques luy seul l'auoir plus agrëable.

Ie veulx donner vn peu de tresue à mon amour, Ie veulx de craye blanche aussi marquer ce iour, Et ne veulx invoquer que le gay Pere libre.

Ie veulx rire & saulter comme vn homme contant, Ie veulx faire vng festin pour y boire d'autant, Et ne m'en chault pas fort encor que ie m'enyure.

SONET CXXIIII.

Le ciel voyant que de ce qu'il m'honnore, Ie me rendoy froidement ocieux, Pour me donner vn subget precieux, Feit naistre en bas vostre belle Pandore.

Voyant aussi le soing qui vous deuore du bien public nuich & iour soucieux, A vostre gré l'embellit de son mieux, A vostre gré la destinant encore.

Au ciel nasquit beaulté tant excellente, El' vint du ciel afin que ie la chante, le chante donc des celestes beautez.

Le ciel benin à vostre gré l'ordonne, Du ciel vient donc la chanson que ie sonne, Et du ciel vient l'aise que vous sentez.

SONET CXXV.

Mon Dieu que ceste tresue a le nez alongé A ceux là de qui moins elle estoit attenduë, Cestuy-cy d'vn costé son attente ha perduë, Et en tous ses desseins semble qu'il ait songé.

Ceux-cy creuent de dueil d'auoir tant voyagé, Et de veoir vainement leur peine despenduë, Ceux-cy perdent du tout leur cause deffenduë, Et ceux-cy par despit demandent leur congé.

Cettuy-cy qui cuidoit de la vaillance fienne Regaigner le bon heur qu'il perdit deuant Sienne, S'en va plus que iamais de vengeance alteré.

Cettuy se void frustré de sa charge nouuelle, Cettuy n'espere plus qu'à Rome on le rapelle, Et cettuy se repend de s'estre declairé.

SONET CXXVI.

A peine encor, du vulgaire écarté, Ie m'acostoy de Virgile & d'Horace, Quand la beaulté d'yne quatriesme Grace Emprisonna ma franche liberté.

A peine encor i'entreuy la clarté Qui luyt, fi douce, en sa divine face, Quand enflammé d'yne nouvelle audace, Son nom par moy feut au ciel emporté.

Ores à peine ay-ie peu receuoir, Mon cher VAILLAC, le bien de te reueoir, Que ce liuret humblement ie te donne:

En attendant qu'autrement agité Desfus l'autel de l'immortalité, Les hymnes faincts de ta gloire ie sonne.

SONET CXXVII.

Ce que l'ayme au printens ie te veulx dire, MESME. l'ayme à fleurer la rose, & l'aillet, & le thin, l'ayme à faire des vers, & me leuer matin, Pour au chant des oyseaux chanter celle que l'ayme.

En esté, dans vn val, quand le chault est extreme, l'ayme à baiser sa bouche, & toucher son tetin, Et sans faire autre esset saire vn petit sestin, Non de chair, mais de fruidt, de freses & de cresme.

Quand l'Automne s'aproche & le froid vient vers nous, l'ayme auec la chastaigne auoir de bon vin doux, Et assis pres du feu faire vne chere lye.

En hyuer, ie ne puis sortir de la maison, Si n'est au soir masqué, mais en ceste saison l'ayme sort à coucher dans les bras de m'amie.

SONET CXXVIII.

Celluy qui suyt la court, s'il n'est heure des cieux D'y pouvoir demeurer librement & sans peine, Sent dedans chacun ners & dans chacune veine Couler de iour en iour vng traics ambicieux.

Il a tousiours l'esprit veillant & soucieux, Qui comme vif argent se tourmente & demeine, Il bastit en resuant cent chasteaux sur l'arene, Et n'arreste iamais ny les piés ny les yeux.

Et ce pendant qu'ainsi le pauuret se tempeste, Et qu'il ne songe point à la mort qui le guette, Elle l'enuoye en bas fraudé de son espoir.

C'est pourquoi, REMBOILLET, les courts e ne puis suyure, Et pourquoy mes desirs n'aspirent qu'au sçauoir, Et qu'en viuant ainsi ie n'ay soing que de viure.

SONET CXXIX.

Apres auoir, PASCHAL, d'vne scauante main Remply de cent discours ton histoire immortelle, Ornant nostre grand. Ray d'vne gloire aussi belle Que celle d'Alexandre & du ieune Aphricain,

Voy ie te pry, PASCHAL, de quel trait inhumain, Amour fait en mon cœur vne playe nouuelle, Et de quelle chanson ie celebre la belle Qui me tient langoureux sur ce sleuue Romain.

De iour en iour ie change & de poil & de face, Mais Amour dedans moy ne change point de place, Ains me naure toufiours des raiz de deux beaux yeux.

le suis du tout à luy, & n'ay rien en moymesme: Mais quoy? c'est mon destin, & plustost que ie n'ayme, La mer sera sans eaux & sans astres les cieux.

SONET CXXX.

Long tens ains que le ciel, Madame, vous feit naistre, Vostre Astre vous auoit ce bon heur destiné, Pour esfacer vn iour le tourment obstiné Qui d'vn si long ennuy m'a contraint de repaistre.

Heureuse donc cent fois la delicate dextre, Par qui pour tant de mal, tant de bien m'est donné, Et plus heureux encor, encor plus fortune Celluy qui vous conduit pour mon heur me remettre.

Mille & mille milliers d'autres dames en vain Ont pour me deliurer fur mon chef mis la main, Mais nulle onques ne peult me tirer hors de peine :

Aussi soit en douceur, ou soit en loyauté, Ou en persection de diuine beaulté, Sans nulle autre blasiner vous estes plus qu'humaine.

SONET CXXXI.

Ce que ie t'ay autresfois presenté, Et qu'autresfois tu receuz de ta grace, le viens encor presenter à ta face, Pour estre encor de ta grace accepté.

S'il y auoit de la temerité, Veu ta grandeur, & ma qualité basse, Divin Prelat, excuse mon audace, Car telle audace excuse a merité.

Iupiter prend la plus petite offrande
D'aussi bon cueur comme il prend la plus grande,
Egallement des peuples & des Rois.

Vne auure aussi quand elle est bien descritte, S'elle a ce bien de bien plaire vne fois, Ne peult desplaire estant dix fois reditte.

SONET CXXXII.

Si ie vouloy punir mon hayneux, & qu'il pleust Aux dieux que mes souhaits vainement ie ne feisse, Afin que desastreux de tous poincit ie le veisse, Oy, BIZET, ie te pry que ie voudroy qu'il feust.

Autant que le Breton ie ne voudroy qu'il sceust, Mais bien qu'il eust de luy la paresse & le vice, La iambe de Bonard, pour bien faire exercice, Et que pour voir plus cler ses yeux encore il eust.

Qu'il eust la main pareille à celle de Marseille, Les sourcils & la barbe à Duquesnay pareille, Et qu'il eust le genou tel que Gohory l'ha.

L'espaule du Sueur, & le bras de son Maistre, Dy moy donc ie te pry s'vn homme auec cela Seroit pas bien en poinct & facile à cognoistre?

SONET CXXXIII.

Puisque le cler Soleil weult apparoistre aux cieux, Et que ie voy desia la rougissante Aurore Qui de ses raiz vermeils le ciel d'Inde colore, Sus-sus chassons, BELLAY, ce somme de noz yeux.

Allons passer aux champs ce loisir ocieux, .
Pangeas auecques nous y viendra bien encore,
Et qu'vn chascun de nous à son reng rememore
Ses antiques amours d'vn chant soulacieux.

Imitons les oifeaux qui par ces verds boucaiges Au gazouil des ruysfeaux degoizent leurs ramaiges, Bienueignant de leurs voix l'Aurore à son retour.

V oyla ia Gohory, qui de sa main apreste Vn chapeau verdissant qui ne craint la tempeste, Pour cil qui ce iourd'huy chantera mieux d'amour.

SONET CXXXIIII.

Garde toy, VERNASSAL, garde toy, ieste prie, De ce faux courtisan qui trompe hommes & dieux, Qui taille à tous costez, & qui n'a rien de mieux Que faintise, mensonge, orgueil & slaterie.

Il bruste dans son cueur d'avarice. C. d'envie, Il a d'un basilie le regard & les yeux, La langue d'vn ferpent, & d'vn Ours furieux La rage & la fierté pour tourmenter ma vie.

S'on luy dist rien de bon, il n'en retiendra rien, N'ayant l'esprit capable à retenir le bien, Mais s'on dist quelque mal, il le note & raporte.

S'il a besoing de moy, il me flatte, & me dit Qu'estant pres de mon maistre, il me prise & supporte, Et toussours toutes sois le meschant en mesdit.

SONET CXXXV.

Puis que mes pleurs me font si peu de bien, Et que le vent tous mes souspirs emporte, Et que pitie pour mon secours est morte, Et qu'à mes criz on ne me respond rien,

Que ne se rompt vistement ce lyen Qui me tient pris en angoisse si forte, Ou pourquoy, las l à sin que mieux i'en sorte, Ne voy-ie boire au sleuue stygien.

Tout le penser qui mon ésprit dessourne D'aupres de celle où captif il Jeiourne, Me fait mourir trissement douloureux :

Et cettuy là qui me tient aupres d'elle M'afflige aussi d'une peine mortelle : Suis ie pas donc doublement malheureux?

SONET CXXXVI.

Seruez bien longuement vn seigneur auiourd'huy, Despendez vostre bien à luy faire seruice, Corrompez en seruant la vertu pour le vice, Et soiez attaché nuict & iour pres de luy,

Pour luy donner plaifir donnez vous de l'ennuy, Sans nul respect à vous seruez-le en tout office, Adonnez-vous aux ieux dont il fait exercice, Et ne demandez rien pour vous ni pour autruy.

Continuez long tens, pour quelque bien acquerre, A le seruir ainfi, puis cassez quelque verre, Ou faillez d'vn seul mot, vous perdez vostre espoir,

Vous perdez vostre tens, vostre bien, vostre peine, Et ne vous reste rien qu'vne promesse vaine, Et vn vain souuenir d'auoir fait le deuoir.

SONET CXXXVII.

Cèt impudent Rousseau qui contre verité Dit mille maulx de moy quand ie suis en absence, Qui ne fait rien qui vaille, & qui iamais ne pense Qu'à faire quelque prest de quelque charité:

Ce courtisan flateur plain de temerité, Plain d'orgueil, de venin, d'enuie & d'ignorance, A qui ie vois vser sans aucune aparence Plus de faueurs cent fois qu'il n'en a merité,

RONSARD, c'est celuy-là qui si fort me tourmente, Celuy seul, mon RONSARD, par qui ie me lamente, Et qui n'est iamais soul de me donner ennuy.

Mais quoy? tel blasme autruy qui condamne soymesme, » Et cil qui de tromper prend vn plaisir extreme, » Ne se doibt lamenter s'il est trompé d'autruy.

SONET CXXXVIII.

MOYEN, feindre le sourt en tout ce qu'on me dit, Feindre d'estre muët à l'heure qu'on me tance, Feindre ne sçauoir rien des choses d'importance, Et feindre de n'auoir ny faueur ny credit:

De ce que ie requiers toufiours estre escondit, Me paistre vainement d'vne longue esperance, Sur toutes les vertuz auoir grand pacience, Et estre en tout partout de franchise interdit:

Souffrir qu'indignement vn taquain me mastine, Faire à mes enuieux tousiours la bonne mine, Sans m'oser lamenter des torts que ie reçoy:

Apuyer mon espoir sur vne lettre escrite, Et sur ce vain honneur d'auoir seruy le Roy, Voylà tout ce, MOYEN, qu'à Rome ie prosite.

SONET CXXXIX.

GORDES, dy moy qui c'est de tous mes enuieux, Qui met tout le matin à se friser la teste, A parfumer sa barbe auec de la ciuette, A se froter les dens, & se lauer les yeux:

Qui prise moins que rien vn homme studieux, Et pousse iusqu'au ciel vne ignorante beste, Qui fait du resolu, du gentil, de l'honneste, Et qui n'a rien en soy qui ne soit vicieux:

Qui ne cherche que blasme où l'innocence abonde, Qui traistre courtisan, & l'vn & l'autre sonde, Pour interpreter mal ce que lon dit en bien.

Dy, si tu le cognois, dy moy qui ce peut estre, Mais ie le cognoy trop, pour dieu ne m'en dy rien, Que maudit soit celluy qui me l'a fait cognoistre.

SONET CXL.

D'où vient cela, BOV CHER, qu'entre les grans feigneurs La courtoifie plaift, & l'orgueil ne peut plaire, Et qu'on void de nature vn prince debonnaire, Et que les mefmes Rois ne font point blafonneurs?

D'où vient aussi qu'vn tas de mignons repreneurs, Qui n'ont art, ne sçauoir, qu'à se feindre, & se taire, Ne sont iamais contens, s'ils ne se voient faire Mille fois en vn iour mille sortes d'honneurs?

Quand parfois ie rencontre vn prince emmy la ruë, Il me rend mon falut, lors que ie le faluë, Et d'vn petit sous-riq monstre vne grand bonté;

Mais lors qu'vn Financier seulement ie rencontre, Qui s'enfle sur le gain de la premiere monstre, Mon salut enuers luy n'est iamais rien conté.

SONET CXLI.

Que deformais, GILBERT, toute chose se rende Desplaisante & obscure aux hommes & aux dieux, Le iour soit sans clarté, & la terre, & les cieux, Et des astres encor l'etincelante bande.

Il est tens que Phebus en soy mesme s'ossende, Et tout teinst de douleur se cache de noz yeux, Et qu'en sa course ardante il deuienne ocieux, Si que le iour çà bas iamais plus ne s'attende.

Le bon heur de ce fiecle est si fort abatu Et du faix & du fard qu'on donne à la vertu, Que rien tant que le monde ores on ne deteste :

Et par ce faulx Bastard qui m'a voulu noircir, Le Soleil par raison doit plustost s'obscurcir Qu'il ne sit pour Atrée, ou pour l'autre Thyeste.

SONET CXLII.

Si ie dy, DVBELLAT, que ie t'ayme bien fort, Tu le crois fi tu l'ois, & chacun le doit croire, Car ton sçauoir prisé, ton merite & ta gloire Font que cil qui ne t'ayme à soy mesme fait tort.

Si ie dy que tu sois bien suige & bien accort,.
Cette double vertu à chacun est notoire,
Notoire aussi par tout la fameuse vistoire
Aquise par tes vers sur le tens & la mort.

Si ie dy que tu sois parfait amy d'espreuue, Chacun de tes amis veritable me treuue, Et void on bien à l'ail que ie ne mens en rien:

Dieu me gard, DVBELLAY, que ie die ou ie songe Parlant de mon Bastard qu'il soit homme de bien, Car cela voirement seroit vne mensonge.

SONET CXLIII.

Vous auez, IACOPIN, acquis vn grand renom Portreant Innocent si pres de la nature: Car on ne sçait à veoir cette morte peinture, Si luy mesme est pourtrait de son pourtrait, ou non.

C'est luy qui gouuerna sous Iules vn guenon, Et qui pour son guenon eust mainte prelature, Qui de la Panthe prend toute sa nourriture, Et qui n'a rien en soy d'innocent que le nom.

O dieux ! s'il estoit peint auecques cette mine, Vn peu plus largement descouurant son eschine, Comme attendant l'estoc, pour en tirer vn trais.

le puisse mal finir, IACOPIN, si dans Rome Il fut onc veu pourtrait d'vn innocent ieune homme, Qui tint du naturel tant que vostre pourtrait.

SONET CXLIIII.

Thenot, ayant cherché par tous ces enuirons Longuement sa Catin sans en auoir nouuelle : A toy dit-il Siluan, vne pleine escuëlle le donray de fromaige & de bons Macquerons.

A toy grande Palés deux paires de chappons, A toy blonde Cerés cent espiz en iauelle, A toy Faune gaillard des œufs cuits à la poile, Et roustiz & bouilliz deux cens de beaux marrons.

A toy vermeille Flore vne anche de cheureau, A toy chaste Diane vn cerf en vn chaudeau, A toy Priape encor vn asne à l'estuuée.

A toy Pan vn fiflet que i'ay fait de ma main, Et à toy ie donray Bacchus vn bouc estain, Si par quelqu'vn de vous ma Catin est trouvée.

SONNET CXLV.

Celuy vraiment est bien plus qu'ignorant luy mesme, Qui dit, mon cher ROVSSEAV, que tu sois ignorant: Car qui veult voir de pres ton sçauoir apparent, Et te donne vn tel nom, commet vn grand blassheme.

Tu sçais mentir par tout d'une asseurance extreme, Tu sçais aux lieux de paix getter le different, Tu sçais tirer les vers du nez d'un requerant, Et faucher soubs le pied le fruict qu'un autre seme.

Tu sçais trompeusement piper les veritez, Tu sçais galantement prester les charitez, Tu sçais subtilement seindre l'homme sidele,

Tu sçais fausser la foy que tu vas promettant, Tu sçais estre vn poltron: Bref tu sçais tant & tant Qu'ignorant est celuy qui sçauant ne t'appelle.

SONET CXLVI.

Ce pendant, mon PASCHAL, que tu fais ton histoire, Ton doux style egallant au mieux disant Romain, Icy, sans liberté, vn espoir inhumain Me tient pris en ses rets, & rit de sa vistoire.

De cent papiers diuers ie brouille ma memoire, le veille en trauaillant du soir au l'endemain, Autre tire le fruict du trauail de ma main, Qui plus est euidant & moins on le veult croire.

Ce n'est pas tout, PASCHAL, l'infame pauureté De tant de longs ennuys redouble l'aspreté, Et fait tous mes pensers aussi fresses qu'vn verre.

Mais plus doux, si i'en ay, me seront les biens faicts,

- « Car celuy ne sçait pas que veult dire la paix,
- « Qui n'a premierement esprouué de la guerre.

SONET CXLVII.

PASCHAL, ie voy icy ces courtifans Romains Ne faire tous les iours que masques & boubances, Que iousles & festins, & mille autres dispenses, Ou pour leur seul plaisir, ou bien pour les putains.

Ie voy vn Ganimede auoir entre ses mains Le pouuoir de donner offices & dispenses, Toute sorte de briefs, d'indults & d'indulgences, Et saire impuniment mille actes inhumains.

Ie voy cet Innocent qui mandioyt n'aguiere, Pour auoir dextrement iouxté par le derriere, Maintenant viure au reng des plus grans demydieux.

Ie voy le vice infect qui les vertuz assomme, Ie voy regner l'enuie, & l'orgueil odieux, Et voilà, mon PASCHAL, des nouuelles de Rome.

SONET CXLVIII.

Que feray-ie, TRVGVET, dy moy que doy-ie faire? Puisque i'oy ce Prelat qui me deut auancer, Ne faire en le servant sans fin que me tancer, De ce qu'il m'a promis exploitant le contraire.

Si des maux qu'on me fait, toufiours ie me veux taire, D'vn trop mordant ennuy ie me sens offenser: Et si ie veux aussi ma pleinte commencer, Ie crains qu'on ne m'estime assez bon secretaire.

Pour faire donques l'vn & l'autre plus contens, Et pour garder que plus ie ne perde mon tens, Ce fera le meilleur de nous partir d'ensemble.

Ie me partiray donc? non, ie demeureray. Ie demeureray, non: ainçois ie partiray. Dy moy pour dieu, TRV GVET, dy moy ce qu'il t'en femble.

SONET CXLIX.

l'aymeroy mieux coucher dix nuidiz dessus la dure, Voire dix iours d'yuer demeurer tout botté, Suyuant la court du Roy nuid & iour tout crotté, Mal sain, & mal garny d'argent & de monture.

l'aymeroy mieux me voir dans la prison obscure D'vn marrane Espagnol, quinze iours garroté, En danger quinze iours d'estre si mal traisse, Que d'eau seulle & de pain on sit ma nourriture.

l'aymeroy mieux auoir sur mer vn grand oraige, Trente iours tout de reng en danger de naufraige, Mais que de ce danger n'aduinsent les effectz:

Que passer aux Grisons la Vrigue & la Berline, Le pont de Camogasc, & le pont Arrasine, Auecques leurs Marrons, & leurs Poiles infect?.

SONET CL.

Si ceux qui n'ont iamais qu'à la vertu seruy Et qui plus ont le cueur plain de grande constance Pour faire, vertueux, à tous maux resistence Estoient francz des tourmens où l'homme est asseruy,

MVRET n'eust point esté faulsement poursuiuy, Ni la fieure à present ne te feroit nuysance, Ny ie ne verroy point contre mon innocence Tant de meschans slateurs s'animer à l'enuy.

Mais quoy? mon cher DOLV, egalement Dieu donne, Ou du bien ou du mal à chascune personne, Et trauaille souuent ceux qu'il ayme le mieux.

Car les hommes meschans qui font tant de blasphemes, no Comme font ces hayneux, se punissent eux-messimes sans en laisser le soing ne le trauail aux Dieux.

SONET CLI.

THOVROVDE, que ie tien aussi cher que mes yeux, Pour ce que ton parler rien qui soit ne desguise, Quand ie te voy par sois alors que ie deuise De ce galant Rousseau, qui m'est tant odieux:

Ie dy foubdain en moy, comme auez vous, ô dieux! Permis fe ressembler de face en cette guise Cettui cy qui n'a rien qu'ignorance & feintise, Et cettuy qui n'a rien qui ne vienne des cieux.

L'yn d'eulx que i'ayme bien me veult yn bien extreme, Et l'autre me veult mal comme aussi ie ne l'ayme, Et toutessois tous deux se ressemblent si bien.

I'en parle ainfi, THOVROVDE, à fin de luy déplaire, Car le plus grand despit que ie luy sçauroy faire, C'est de l'acompagner de quelque homme de bien.

SONET CLII.

Après auoir remis Boulongne en vostre main, Auoir les Escossois sauuez de toute oppresse, Auoir aux Alemans, d'vne main vengeresse, Rendu la liberte sur le sleuue Germain,

Auoir d'vn cueur benin & d'vn vouloir haultain, Des Syennois affligez soulagé la destresse, Auoir de Corse fait vostre force maistresse, Et fait vostre Piedmont plus grand & plus certain,

Apres auoir acquis mille & mille autres gloires, Sans borner toutesfois voz fatales victoires, La Trefue vient vers vous, mais c'est bien peu d'honneur:

Car vous serez vn iour maistre de tout le monde, Et dressant l'ail à Dieu, pourrez dire, Seigneur, A vous touche le ciel, à moy la terre & l'onde.

SONET CLIII

Ne valoir rien à rien finon à rapporter, Ce qu'on dit en secret, afin de mieulx complaire, A tous les bons esprits tousiours estre contraire Et scauoir dextrement poulastres apporter,

Mesdire d'un chacun, blasphemer & slater, Se plaire extremement de viure sans rien saire, Pres des hommes sçauans honteusement se taire, Et pres des ignorans hardiment caqueter,

Faire entre les paoureux du vaillant Dyomede, S'adextrer brauement aux ieuz de Ganimede, Estre en tous bons effects lentement ocieux,

Auoir le cueur peruers tout remply de fallaces, Estre ingrat, negligent, traistre & malicieux, Ce sont, mon cher ROVSSEAV, tes vertuz & tes graces.

SONET CLIIII.

Estimez vous, LAVRENS, qu'vn esprit adonné, Comme le sçay le mien à detester le vice, Doine tousiours captif, demeurer en service, Tranaillant nuist & iour sans estre guerdonné?

Si ie fuis en feruant à tort infortuné, le ne fais en feruant aucun mauuais office, Et tel ores fur moy exerce sa malice, Qui en fin, moy absous, en sera condamné.

Iupiter eust iadis pitié de Promethée, Et quand il eut long tens sa peine supportée, Il fit occire l'aigle & le fit destacher.

Aussi pourront les dieux quelque fois pitié prendre Des ennuyz qu'on me donne en cuidant me fascher, « Car le mal pour le bien ne se doit iamais rendre.

SONET CLV.

EME, que i'ayme tant, monstre moy par pitié Le moyen d'euiter les ennuys qu'on me donne: Car i'en ay tant & tant, helas! que ie m'estonne Comme i'en puis porter seulement la moitié.

le voy beaucoup de gens m'offrans leur amitié Auec mille bons motz, mais ie ne voy personne Qui iamais les effect, au parler parangonne, Et qui ne m'yse en sin de quelque mauuaistie.

Si ie sçauois flatter, courtiser, & mesdire, Faire le bon valet, dire les motz pour rire, Et bien hypocriser, ie serois tout parsait:

Mais pource que ie suis fidele & veritable, Que ie sers bien mon maistre, & que ie suis aymable, Vn chacun me veult mal, & dit mal de mon fait.

SONET CLVI.

Ie m'efforçoy d'enamourer la belle Qui de fes yeux fait le monde amoureux, Non point pour moy, mais pour vn langoureux Qui fe mouroit cent fois le iour pour elle.

Alors qu'vn foir ma fortune fut telle, Que ie deuins moymesme desireux Du bien, duquel ie taschoy faire heureux Celuy pour qui ie faisoy la querelle:

Elle qui ià dedans son cueur sentoit Le mesme mal qui le mien tourmentoit, S'en apperçeut, & d'vne ardeur extreme

Me dit ainsi: Ne te plains pour autruy, Mais pour toy seul, si tu sens quelque ennuy, Car plus qu'à nul on attouche à soymesme.

SONET CLVII.

D'vn vieil mary, d'vn maissre rigoureux, Et d'vn valet assez ne me puis plaindre, Car c'est par eulx que ie ne puis ateindre Au bien d'amour qui me fait langoureux.

Madame dit que ce n'est que par eulx Qu'elle ne peult ma grand' ardeur esteindre, Et qu'elle en meurt, mais qu'il fault tousiours craindre Mary, & Maistre & Valet dangereux.

le le sçay bien, mais l'amour qui me poingt Veult qu'aux dangers ie ne regarde point, En estimant la difficulté moindre.

Ce que ie veulx, elle le veult ainfi, Ce qu'elle veult, ie le veulx bien aussi, Et toutesfois nous ne nous pouuons ioindre.

SONET CLVIII.

PRELAT, sur qui i'ay mis toute mon esperance, Presterez vous tousiours l'oreille à ce stateur? Adiousterez vous foy tousiours à ce menteur Qui ne vault rien à rien sinon qu'en aparence?

Cherirez yous toufiours sa brutalle ignorance? Soufrirez yous toufiours qu'il soit si detracteur Et qu'il mesdise ainsi de ce bon seruiteur, Qui seul & seur vous sert aux choses d'importance?

Permettrez vous qu'on die ainsi publiquement, Que vous monstrez auoir bien peu de iugement De fauorir si fort vne si grande beste?

Orrez vous point vn iour comment le monde dit, Qu'il ne reçoit de vous ny faueur ny credit, Que pource qu'il conduit voz ieux de la brayette?

SONET CLIX.

PRINCE qui m'as chery par dessus mon merite, Te monstrant desireux d'estre seruy de moy, Il me plaist de descrire vne chose de toy, Qui en prose n'en vers ne fut oncques descrite.

L'immortelle Vertu dans ton Palais habite, Pour compagnes ayant & l'amour & la foy, Le repos, la raison, la iustice & la loy, Qui pour l'or corrompeur ne s'apaise, n'irrite.

Sur le maistre portail est esteué l'honneur, Ayant au costé droist, vestu d'or, le bon heur Qui porte dans sa main deux cornes d'abondance.

De l'autre flanc on void la liberalité Qui t'aquiert vng renom en l'immortalité, Qui fera pour iamais viure ton Excellence.

SONET CLX.

Qu'on ne me parle plus, G!LIBERT, de la gloire Qu'acquit iadis ça bas Hercule l'indompté, Que nul de ses trauaux ne me soit raconté Pour me saire plus grand son merite notoire.

Qu'on ne me parle plus de l'infigne vistoire Dont Thesée gaigna son immortalité, Ny de nul autre Heros: car en ma qualité, Plus digne ie me sens d'eternelle memoire.

On doit plus estimer cest effort que t'ay fait, Que d'auoir vaillamment mille monstres deffait, Et eu mille lauriers en guerdon de ma peine:

Car contre la coustume, & l'espoir d'un chacun, Ayant couru, vescu, & pris sur le commun, I'ay rapporté de Rome, & ma barbe & ma cheine.

RESPONSE.

Six & fix fois sans plus Hercule a esprouvée Sa force, mais tu as mille assaux soustenu Dedans Rome, & t'en es à la fin reuenu Triomsant pour ta barbe & ta cheine sauvée.

Ta gloire sera donq' sur la sienne éleuée Par celuy qui aura les Harpies cognu Qu'il t'a falu combatre, & qui ont retenu Ta vertu, qu'elles ont leur maistresse trouvée.

La chaine du François, par coustume ancienne, Fut tousiours le butin de la putain Romaine, Mais la tienne a vaincu cette auare rapine:

Si bien, qu'estant ce fait de prés consideré, Il semble que tu as des Enfers retiré Le propre rameau d'or qu'on donne à Proserpine.

SONET CLXI.

Amour a fait de moy vn Enfer tout nouueau, Où superbe il se tient gouuernant comme maistre, Et d'autant de tourmens qu'aux Enfers on dit estre, D'autant ou plus encor' il m'emplit le cerueau.

Vn Tantale ie suis pres des fruist? & de l'eau, Mourant de fain & soif sans me pouuoir repaistre: Au nombre de ces Sæurs austi lon me peut mettre, Qui s'efforcent d'vn crible épuiser vn ruisseau.

Vn Ixion ie suis, qui moy-mesmes me tourne Et me fuys & me suis, & iamais ne seiourne: Vn Sisyphe ie suis tout charge de soucy.

Mon ail est vn vray Stix, vn Vulcan mon haleine, Mais par tel point Amour me fait ore estre ainsi, Qu'il me plait ne bouger iamais de ceste peine.

SONET CLXII.

Si tu veux, COMPAGNON, estre estimé plus sage, il te sault gouverner vn peu plus dextrement, N'estre trop excessif en ton acoustrement.
Pour ne porter iamais acoustrement en gaige.

Estre modeste à table, & modeste en langage, Escroquer les putains vn peu plus rarement, Et ne ioüer iamais, contre ceux mesmement Qui se moquent de toy quand ils ont l'auantage;

N'emprunter que le moins que tu pourras d'aucun, T'aquiter quand tu peulx à l'endroit d'vn chacun, Courtiser vn peu mieux que tu ne fais ton maistre.

N'aller faire l'amour sans apporter dequoy, Ne faire des festins à plus riches qu'à toy, Et c'est comme plus sage estimé tu dois estre.

SONET CLXIII.

S'il est ainsi que vous m'aymiez, Maistresse, Et que mon cueur vous ayez accepté, M'ayant le vostre en change presenté, Ayez pour dieu pitié de ma destresse.

Le mesme mal qui vostre esprit oppresse Est celuy-là dont ie suis tourmenté, Rendez en donc l'yn & l'autre exempté, Et en plaisir changez nostre tristesse.

Ce qui vous deult cause que ie me deulx, Mais de vous vient la santé de tous deux; Rendez vous donc de cest ennuy deliure:

Car cil qui souffre & qui se peult guerir, »
Et toutesfois ne se veult secourir,
Est malheureux, & indigne de viure. »

SONET CLXIIII.

Tant de diuers pensers naissent de mon penser, Que pour penser si fort ie ne sçay que ie pense, Et en tant de façons mes pensers ie dispense, Qu'en pensant ie ne sçay comment les dispenser.

Ie voy bien qu'on deburoit mon mal recompenser, Mais ie voy toutes fois mon mal sans recompense, Et tant plus à mon bien moy-mesmes ie m'auance, Et tant moins à mon bien on me veult auancer.

Tout mon bien & mon mal mon penser me fait naistre, Or' de mal or' de bien me forçant de me paistre, En faisant mes espritz & marriz & contens.

Tout ce que ie demande il m'accorde & refuse, Et faisant mon attente apparente & confuse, Il me blece & guerit tout en vn mesme tens.

SONET CLXV.

D'vn mesme traich, d'vne mesme estincelle, Et de l'erreur d'vn mesme amoureux retz, Amour nous blece, enslamme & tient serrez Dans la prison d'vne douce pucelle.

Mais le pis est que mon ardeur ie celle, Et que tu fais entendre tes secretz, Tandis, GVYON, que fondant en regretz le la depeins immortellement belle.

Ses priuaultez & ses doux traictemens D'un tel apast temperent tes tourmens Que tu ne peulx que sans raison te plaindre.

Moy affamé, non ialoux d'yn tel heur, Pour exprimer viuement ma douleur, Le feul moyen ie ne fçaurois attaindre.

SONET CLXVI.

Puisque si vainement contre moy te trauailles, Et que ton rude effort te demeure inutil, Ne seme desormais en lieu tant insertil Le siel & la poison de tes ordes entrailles.

Ailleurs, monstre ialoux, ailleurs fault que t'en ailles, Mon cueur ébrechera ton venimeux oustil, Si bien que ton pouvoir tant aiguisé soit il Sentir ne me fera tes mordantes tenailles.

Sus donc, va t'en cruël, pere de desessoir, Cruël va t'en ailleurs exercer ton pouuoir, Ou toy mesmes en toy fais preuue de ta rage.

Car maugre tes effort, ie veulx tout oultre aymer Tout ce que ma dame ayme, & si veulx estimer Tout cela qu'elle estime à ton desauantage.

SONET CLXVII.

Quand voz beaulx yeulx, Dame, où loge mon cueur Seront lassez de me faire la guerre, Et que la mort m'aura mys sous la terre Froid, palle & vain sans ame ne vigueur:

Sur mon tombeau n'arriue la langueur, Ains à iamais par entrelaz y erre L'ombrageux pié du verdissant hyerre, Et du matin la plus douce liqueur.

L'amome aussi & le mastic y naisse, A celle sin que l'abeille s'en paisse, Pour puis apres y respendre son miel,

Et deux fois l'an (par vau qui ne se rompe) Les doctes Saurs descendentes du ciel Y viennent veoir ceste nouvelle pompe.

SONET CLXVIII.

L'arbre est desraciné dont l'attendois le fruid, Le soustien est rompu dont l'apuyois ma vie, La diuine beauté que l'aymois m'est rauie, Et pour moy le soleil ores plus ne reluyt.

C'est raison que ie pleure & de iour & de nuist, Et que tous mes pensers à cette heure i'oublye, Puis que de mon amour l'esperance est faillie, Et qu'en si pauure estat ores on m'a reduist.

Lors que mon ame estoit plus fort enamcurée, Et que mon esperance estoit plus asseurée, Vn depart m'a priué du bien que i'atendoy.

Las! est ce la mercy que ie deuois pretendre? Las! est ce le repos que ie deuois attendre? Las! est ce le guerdon qu'on deuoit à ma foy?

SONET CLXIX.

Les astres clers éparsement semez là par le ciel commençoient leur carriere, Quand delaissant toute crainte en arriere, le regarday voz soleils enstammez:

Mais tout foudain mes espritz animez Furent rauiz par si belle lumiere, Moy despouille de ma franchise entiere, Et de mon cueur les desirs alumez.

Ainsi le bras de l'archer qui m'entame Darde ses traistz au plus vif de vostre ame, Vous embrasant de l'ardeur qui me cuyt:

Afin qu'vn temps, nous rencontrans ensemble, De noz moytiez l'vne en l'autre s'assemble, Soubz la frescheur d'vne pareille nuics.

SONET CLXX.

Ie vouldroy bien chanter les louanges de celle Par laquelle mon heur me fait egal aux dieux, Et par qui le tourment m'est plaisir gracieux, Tant elle est douce, honneste & gente damoiselle.

Mais ie crain que mon stille & ma voix ne soit telle Qu'il la fault, pour chanter subget si precieux, Et qu'en taschant la dire & la loger aux cieux, Ie ne face son bruyt & sa gloire moins belle.

Toutesfois le vouloir cestuy la recommande
 Qui s'enslamme l'esprit d'vne entreprise grande,
 Et vn soleil si beau ne peult estre obscurcy.

Ie veulx doncques chanter ses beaultez sur ma lyre, Et si son nom par moy n'est assez esclercy: l'allegeray au moins quelque peu mon martire.

SONET CLXXI.

Qui defire sçauoir quelle chose est amour, Se forme en son penser, afin de le comprendre, Vn vieillard rigoureux, vn ensant doux & tendre Qui cherche en son dommage vn vtile seiour,

Vn desir qui nous trompe en attendant vn iour Qui emporte noz iours sans les laisser reprendre, Vn desespoir certain, vn incertain pretendre, Qui va tousiours auant & n'a point de retour,

Vn mespris de la paix pour auoir de la guerre, Vn voler iusqu'au ciel sans se bouger de terre, Vn mourir de chaleur en l'yuer plus extreme,

Vn efcrire sur l'onde, vn bastir sur le sable, Vn viure desplaisant, vne mort agreable, Et pour aymer autruy vouloir mal à soy mesme.

SONET CLXXII.

Voz celestes beaultez, Dame, rendez aux cieux, Et aux Graces rendez voz graces immortelles, Et rendez voz vertuz aux neuf doctes pucelles, Et au soleil rendez les raiz de voz beaux yeux.

Rendez, dame, rendez vostre riz gracieux, Et de vostre beau sein les pomettes nouvelles A la mere d'amour, qui les feit ainfi belles, A fin d'enamourer les hommes & les dieux.

Rendez à Cupidon son arc & ses sagettes, Dont vous rendez si bien les personnes subgettes, Et puis ayant rendu ces divines beaultez,

Et toutes ces vertuz d'où vous les auez prifes, Vous verrez qu'en rendant ces graces tant exquises, Vous vous trouuerez seule auec voz cruaultez.

SONET CLXXIII.

Diuin DVTHIER, que le ciel n'a fait naistre Que pour seruir aux affaires des Roys, Quand à ton loz vn æuure ie seroys, Oy ie te pry, ce que i'y vouldroy mettre,

Que ton esprit est tel qu'il sçauroit estre Pour en vn temps seruir en mille endroichz, Et que des plus difficiles destroichz, Facilement ton esprit se depestre.

I'y voudroy mettre auec ta qualité, Tes biens, ton heur, ta liberalité, Ton cœur ouvert, & tes mains voluntaires.

Et ne vouldrois oublier le sçauoir, Et la vertu qui d'vn iuste deuoir Te fait priser sur tous les secretaires.

SONET CLXXIIII.

Cessez mes yeux de plus larmes espendre, Et vous mon cœur de plus vous tourmenter, Car celle là qui nous fait lamenter S'en vient vers moy pitoyable se rendre.

Mon mal en fin elle a voulu comprendre, Sans le vouloir dauantage augmenter, D'yn fi grand bien me venant contenter, Qu'impossible de plus grand en attendre.

Elle m'a dit que mes trauaux passez, Mon amytié luy tesmoignoyent assez, Et qu'ell' vouloit me geter hors de peine,

Ne se voulant faire ingrate estimer: Mais qu'il faloit, ains qu'estre plus humaine, Qu'ell' me congneust auant que de m'aymer.

SONET CLXXV.

Ie ne diray iamais les causes de ma peine, Mais trop bien à iamais ie diray que ie suis Le miserable auteur de mes propres ennuys, Causant moy mesme en moy cette angoisse inhumaine.

Mon mal vient de mon bien, & le dueil que ie meine Naist d'vn plaisir parfait, qu'obtenir ie ne puis, Ayant mes pauures sens si malement reduits Qu'il7 se meurent de soif aupres de la sonteine.

l'auoy tant poursuiuy qu'on m'auoit acordé Le bon tour que i'auoy longuement demandé, Mais quand ce vint au point que ie le pouvoy prendre,

Ie deuins impotent, & ne sceuz faire rien, De sorte que priuant moy-mesme de mon bien, Ie priuay mon espoir pour iamais d'y pretendre.

SONET CLXXVI.


S'amour m'a fait le bien que de luy lon defire, Lors i'ay descrit le bien que i'ay receu de luy: Et s'il m'a tourmenté d'vn langoureux ennuy, Ma langueur seulement i'ay pris peine à descrire,

Aussi quand mon Rousseau enragé de mesdire M'a trauaillé l'esprit comme il fait auiourd'huy, s'ay descrit ma constance, & l'iniure de luy, Et c'est comme i'ay fait ces vers que ie souspire.


Selon les passions où i'ay esté submis, Ou bien, ou mal, d'amour, ou de mes ennemys, l'ay descrit chacun iour la cause toute telle.


Et c'est pourquoy, DVTHIER, on void dedans ces vers Par cy, par là, messer tant d'arguments divers Et que plains de souspirs, Souspirs ie les appelle.


FIN DES SOVSPIRS.














BIBLIOTHÈQUE D'UN CURIEUX

Volumes in-12 écu, imprimés sur papier de Hollande. Chaque volume: 5 fr. & 7 fr. 50.

Les Contes de Pogge, traduits par M. RISTEL- HUBERT. 1 volume (épuifé).		Red W
FERRY JULYOT. Les Élégies de la belle fille la- mentant sa virginité perdue, avec introduction & notes par E. Courbet. 1 vol. (épuisé).	•	
Poéfies diverses attribuées à Molière ou pouvant lui être attribuées, recueillies & publiées par le BIBLIOPHILE JACOB. 1 vol. (épuisé)		
Les Dialogues de TAHUREAU, avec notice & index par F. Conscience. 1 volume	. 7	50
Les Gayetez d'Olivier de Magny, avec notice par E. Courbet. 1 vol. (épuifé).		
Les Contes & facéties d'Arlotto, avec intro- duction & notes par Ristelhuber. 1 vol	5	· 10
Les Quatrains de PIBRAC, avec notice & notes par Jules Claretie & E. Courbet. 1 vol.	5	a
Les Serées de GUILLAUME BOUCHET, avec no- tice & index par Roybet. 5 vol. chaque vol. Les deux premiers volumes font en vente.	5	»
Le Cymbalum mundi par Bonaventure des Périers, avec notice & notes par Franck.		
ı vol	7	50

EN PRÉPARATION:


Les Comptes du monde aduantureux.


Les Matinées de Cholières.


Contes & joyeux Devis par Bonaventure des PéRIERS.

Il est tire quelques exemplaires de cette collection sur papier de Chine, au prix de 25 fr. le volume.









PQ 1629 M3A75 1874

Magny, Olivier de Les souspirs

PLEASE DO NOT REMOVE

CARDS OR SLIPS FROM THIS POCKET

UNIVERSITY OF TORONTO LIBRARY

